

乾隆杭州府志

杭州府志卷二十四

古蹟二

錢塘縣

錢塘故城

浙江東逕靈隱山山下有錢唐故縣

水經注

昔

錢唐一境逼近江流縣在靈山下至今基址猶存

太平寰宇記引

錢塘記

栗山城 栗山在錢塘縣西上有城周廻五十里

太平御覽引吳

地紀疑卽古錢塘縣因山爲城之遺跡也

神州古史攷

漢都尉治

漢文帝前十六年都尉治錢塘

越絕書

會稽郡

錢塘縣西部都尉治

漢書地理志

會稽西部都尉元狩中徙治

錢唐在武林山然其定處已不可攷

萬歷舊志
西部都尉治
或曰

鄞道元水經注言靈隱山下有錢唐故縣有之乎曰有之
錢王時銜者說王以靈隱爲宅未必無見杭風氣所鍾在
此地秦始置縣何疑焉或又問漢封西部都尉治下有武
林山故志皆言西部都尉治亦在武林山果否曰此或未
然西部都尉者乃管武事備海之官漢太守亦有時兼之
文帝時治山陰武帝時治錢唐靈隱之地漢時不過一草
縣若備海則統轄浙西豈有僻居山內之理度其治當在
今城之北近寶石山平地也東漢建武六年省都尉又廢
錢唐縣後數十年不詳何時復縣人必以其地不吉然縣
復而都尉不復故徙縣于今城北舊都尉治耳或曰漢書
有文子何云然曰人自錯看漢書耳今卽以漢書會稽郡
下二條爲子證之漢書錢唐大字下註云西部都尉治武
林山武林水所出人之泥之者此也不知此條西部都尉
治當讀斷言西部都尉治在錢唐也武林山別起言錢唐
之山水也觀下文大字回浦南部都尉治是言南部都尉
在回浦也又上大字餘暨註云蕭山潯水所出是餘暨之
山水也將漢書正文看二
條極明或乃唯唯而退

隋餘杭郡總管府 仁壽中置總管府大業初府廢

隋書地理

志

吳越郊臺 慈雲嶺上有錢王郊臺

方輿勝覽

上石龍永壽寺

錢王郊臺近焉又名登雲臺

武林舊事 夏時登雲臺詩郊臺初築勢干雲昔日登臨

駐六軍吳越江山猶故國莓苔石刻已無文

錢塘尉司舊解 在錢塘門外隆興癸未尉施溫舒建

咸淳

志 華庚錢塘尉司記錢塘尉承平時號入仙裕陵覽西湖圖嘗有真仙尉之語時則有真仙亭東坡帥杭率賈傑來遊時則有英遊閣林和靖訪謝尉賦秋水芙蓉詩時則有咏物樓陳後山與寄高遠形于篇咏願得終身為禦寇亦可想其盛也南渡後公守弗存隆興癸未施君溫舒徒望湖樓之桃圖規制草創逾四十年因陋就簡漫不加葺嘉泰辛酉永嘉高君不倚適來環視官舍若將壓焉乃捐俸撤而新之廳堂廡舍二十有一間堂曰擢桂曰平湖亭

曰真仙軒曰清風今大參許公爲之隸古以扁其相既成欲以先後蒞職姓氏刊諸石歲月遠者莫考獨張仲顏見于王隨放生碑許淳仁見于東坡奏議他不可復得乃斷自紹興二十四年而下得十有七人求記于余余以爲尉之官最早有材未易展信足以孚于下而道不能獲于上雖有志奚其遂高君益官甫數月以鎖廳登太常第雍和開雅裁制有餘題名小事倘職分所闕有一未舉決不暇及今也易隘陋之居爲高明亦可謂難矣余故樂爲之書

陳師道宿錢塘尉解詩平湖繞舍山無盜官事

長聞俸有金安得終身爲禦寇不辭兒女作吳音

泉亭

錢塘古泉亭有紫水如霞爲湖所衝

太平寰宇記

匏里 孫堅少爲縣吏船至錢塘會海賊胡玉等從匏里

上掠取買人財物方于岸上分之堅操刀上岸以手東西指揮若分部人兵以羅遮賊狀賊望見以爲官兵捕之卽

委財物散走堅追斬得一級以遺

吳書孫破魯傳

樟林桁 晉時錢唐浙江有樟林桁大船客有來者輒漂
盪搖揚而不可禁嘗鳴鼓江頭陵浪如故惟船吏奉粵能

相制伏及粵死遂廢去

異苑

陵水道 秦始皇治陵水道到錢唐

越絕書

西溪輦道 歷方井法華秦亭幾十有八里爲南宋車駕

入禹航洞霄宮輦道

錢塘縣志

葛公石徑 在天竺山 西湖百咏引 郭祥正葛公石徑
詩誰來躡高步 耐徑已荒涼 落葉

無人掃 哀猿空斷腸

史君新徑 在錢塘門外 西湖百咏 郭祥正新徑詩史
君開新徑斜 造碧城 隈只欲通

花麻春風 幾度來

西村 西林橋邊卽古之西村喚渡處

西湖百咏引 林逋西村晚泊詩

棹危橋下霜村下夕陰用園閣野水樵採語空林白鳥歸飛遠青山重複深那辭遲新月誰復賞微吟

西湖三塔 蘇東坡洛復西湖于湖中立塔以爲標表着

令塔以內不許侵爲菱蕩此見疏狀甚明舊有石小塔三

土人呼爲三塔基云

兩湖塵談

三塔俱在外湖三坻鼎立南宋

舊圖從南數湖中對第三橋之左爲一塔對第四橋之左

爲一塔第五橋之右爲一塔塔形如瓶浮樣水中前人三

潭印月詩有云塔邊分與宿湖船又云塔影亭亭引碧流

俱實境也

武林沈志

松門 九里松在一字門裏舊名袁公松門

西湖百咏引 唐刺

史袁仁敬守杭日植松于左右各三行門扁吳說書

武林舊事

吳說書九里松三字揭爲門額高宗嘗幸天竺經此見說所書翌日取入欲爲御書易之命筆數十番嘆曰無以易也用金填其字復揭于門

四廟間見錄

郭祥正松門詩沿湖九里松行客憶袁公不識

炎大熱門深太古風

錢王故苑

靈芝寺本錢王故苑因芝生其間捨以爲寺

武林舊事

南果園

錢氏南果園在月輪峰之旁

武林梵志

玉津園

在錢塘縣龍山北宋紹興十七年建孝宗與羣

臣燕射之所

大清一統志

玉津園乃東都舊名蘇軾嘗賦詩

有紫壇南時表連岡之句蓋亦審邇園壇紹興十七年建
于行在明年北使蕭秉溫來賀天申節遂燕射其中孝宗
數臨幸淳熙元年嘗御製七言詩以賜從臣時光宗暨右
丞相曾懷以下皆有賡載刻之石魏王判寧國府亦嘗命

宰執于此燕餞蓋皆以爲講禮之所

咸淳志 宋孝宗王
津開燕射賜從臣詩

一天秋色破寒烟別築連堤壓巨川欣見歲功成萬寶同
行射禮命羣賢騰騰喜氣隨飛羽翊翊淒風入控弦文武
從來資並用酒餘端有侍臣篇又玉津園詩縱觀春事
適齊色可喜洪邁有詩來上府同其韻春郊柔絲過桑麻
小艇芳洲攬物華應信吾心非暇逸頓同晴意絕杏蔭每
當富庶同樂敢務遊吹漫自誇不似清華當日事五家
幸窮爛如花會懷和御製玉津園宴射詩名園佳氣肅
非別冠佩朝宗似百川五品並令陪燕射四錄端歎序賓
賢思酒春意魚翻藻戲入秋聲鴈落筵
按事更容覽典雅袁章應頌相梁篇

聚景園

舊名西園

都城紀勝

在清波門外孝宗致養北宮拓

園西湖之東又斥浮屠之廬九以附益之清波門外爲南

門湧金門外爲北門流福坊水口爲水門亭宇皆孝宗御

扁嘗請兩宮臨幸後光宗奉三宮寧宗奉成肅皇太后亦

皆同幸歲久蕪圯今老屋僅存者堂曰攬遠亭曰花光粗

見大槩而已惟夾徑老松益婆娑每盛夏芙蓉彌望遊人

儀筋遠堤外居守者皆培桑蒔果有力本之意焉

咸淳志

有會芳殿瀛春堂攬遠堂芳華亭瑤津翠光桂景灑碧涼

觀瓊芳彩霞寒碧柳浪橋學士橋

武林舊事

陸游小舟過御園詩二首聖主憂

民罷露臺春風側苑盡長開盡除曼衍魚龍戲不禁芻蕘雉兔來水鳥避人橫翠靄官花經雨委蒼苔殘年自喜身

强健又作清都夢一回水殿西頭起砌臺綠楊闌處杏花
開蕭韶本與人同樂羽衛纔聞歲一來鷓首波心涵藻荇
金鋪而後上莓苔遠臣侍宴
應無日目斷堯雲到晚回

延祥園 西依孤山與瓊華閣小隱園並三朝臨幸都城紀勝

瞰湖爲挹翠堂山椒爲香月亭環植梅花仍大書林逋詩

疎影橫斜一聯刻于屏挹翠之後爲清新亭三扁及聯皆

理宗宸翰咸淳志 樓鑰 延祥觀後山亭詩 附山結真祠 宋門 熙湖 水湖 流入 中池 秀色 歸淨 几風 簾 透

旌幢神衛森劍履清芬宿華殿瑞霧蒙玉展芳鬋懷神京

想像綺英美新年開新宮祝釐奉天子只辰復難會歲暮
得斯喜况乃清樾中飛樓見千里雲車尚可
乘善事茲已矣便當賦遠遊未可回履齒

翠芳園 在南屏山東舊爲屏山園開慶初內司展建東

至希夷菴直抵雷峰山下西至南新路口水環五花亭外

有御舟名蘭棹

西湖百咏引

園內有八面亭一片湖山俱在目

前咸淳四年盡徙材植以相宗陽宮之役園遂廢

夢梁錄

玉壺園

在錢塘門外本卹王劉光世園後屬之臨安府

守趙與憲築堂四面景定間更隸修內司又爲堂曰明秀

咸淳間隸慈元殿

咸淳志

梅坡園 在小麥嶺北龍井路口楊太后宅園

西湖百咏引

楊

郡王園又名總秀

武林舊事

董嗣昇梅坡園詩牆擁雙扉銀錦窩溪聲不敵樹聲多誰家種麥

曾名嶺今日尋梅且陟坡萬屐棟梁巢燕雀四山風日養松蘿園丁自飽栽花利月給楊家得幾何

真珠園 在南山路有真珠泉高寒堂杏堂水心亭御港

今歸張循王府

武林舊事

狀元入局半月後局中職事官下湖

運司喚大舟二連狀元等凡七八十人借張侯之真珠園

散步侯家亦有餽焉其例也

錢塘遺事 王炎九日陪楊秘監遊真珠園詩珍重蓬萊

老樵壺領客來湖山羅畫笥風物獻詩材素髮難重染黃花有再開莫憂身外事且覆掌中盃

勝景園 在長橋南舊名南園慈福太后以賜韓侂胄後

復歸御前理宗撥賜福王御書勝景二字爲扁

咸淳志

內有

十樣亭榭工巧無二射圃走馬廊流杯池山洞堂宇宏麗

野店村庄裝點時景觀者不倦內有閣名凌風閣下香山

巍然立于前非古沉卽枯楫耳

夢梁錄

南園窮極幽勝凡三

日而後遍掌園皆武爵之近上者有香山十樣景之勝景

奇石爲石洞二有亭頂畫以文錦香山本蜀守所獻高至

五丈出于河蝕濤激之餘玲瓏壁立更有晚節香亭植菊

二百種取其祖魏公詩句名之陸游記中不及也

四朝聞見錄

侂冑嘗飲南園過小莊謂師曀曰此真田舍間氣象但欠

犬吠雞鳴耳俄聞犬吠叢薄間視之師曀也

宋史趙師曀傳陸游南

園記慶元三年二月丙子慈湖有旨以別園賜今少師平原郡王韓公其地實武林之東麓而西湖之水滙其下天造地設極湖山之美公既受命乃以祿賜之餘葺爲南園因其自然輔以推趣方公之始至也前瞻却視左顧右盼而規模定因高就下通窒去蔽而物象剖奇葩美木爭列于前清泉秀石若顧若揖于足飛觀傑閣虛堂廣廈上足以陳豆簋下足以奏金石者莫不畢備升而高明顯敞如蛻塵垢入而窈窕遂深疑于無窮既成悉取先侍中魏忠獻王之詩句而名之堂最大者曰許閣上爲親御翰墨以榜其額其射廳曰和容其臺曰寒碧其門曰藏春其閣曰凌風其積石爲山曰西湖洞天其澗水藝稻爲田爲場爲牧羊牛畜鴈鶩之地曰歸耕之莊其他因其寔而命之名

堂之名曰采芳曰露望曰鮮霞曰於春日歲寒曰忘機曰
眠香曰堆錦曰清芬曰紅香亭之名則曰遠塵曰幽翠曰
多稼自紹興以來王侯將相之園林相望莫能及南園之
髣髴者然公之志豈在登臨遊觀之美哉始曰許開終曰
歸耕是公之志也公之爲此名皆取于忠獻王之詩則公
之志忠獻王之志也與忠獻同時功名富貴累將相者豈
無其人今百四十五年其後往往寂寥無聞而韓氏子孫
其功名足以銘彝鼎被弦歌者獨相踵也迄至于公勤勞
王家勲在社稷復如忠獻之盛而又謙恭抑畏拳拳于忠
獻之志不忘如此公之子孫又將視公之志而不散忘則
韓氏之昌將與宋無極雖周之齊魯尚何加哉或曰上方
倚公如濟川之以舟公之欲迷其志豈可得哉是不然上
之倚公公之自處本自不侔惟有此志然後足以當上之
倚而齊忠獻之名天下知上之倚公而不知公之自處知
公之勲業而不知公之志此南園之不可以無述許老病
謝事居山陰澤中公以手書曰予爲我作南園記將竊伏
思公之門才傑所萃也而願以屬游者豈謂其愚且老又
已掛冠而去則庶幾其無諛詞無侈言而足以道公之志
與此游所以承公之命而不獲辭也周密南園詩二首
清芬堂下千株桂猶是韓家舊賜圖白髮老翁印淚說百

年中見兩平原舊事淒涼尚可尋
斷碑閒臥草深深
凌風閣下
鏗牙樹當日人疑是水沉
鄭厚勝景園詩曾役杭
州幾萬家
累山驅石事游奢
畫船夜醉西湖月
金翦春分內苑花
京兆有人能學犬
玉津無樹可棲鴉
欲聽野老談遺事
來問斜陽駐酒車

湖曲園 在雷峯塔西咸淳志安撫趙與德建南山自南

高峰而下皆趨而東獨此山由淨慈右轉起爲雷峰少西而上西南諸峰若在几案柳堤梅嶼左右映帶有賀監一

曲之義因名 大清一統志 甘昇園又名湖曲曾經臨幸至今

有御愛松及望湖亭小蓬萊西湖一曲後歸趙觀文又歸

謝節使 武林舊事 周密湖曲園詩小小蓬萊在水中乾
淳舊賞有遺踪
園林幾換東風主
留得亭前御愛

松

環碧園 在豐樂樓北柳洲寺側恭聖仁烈楊太后宅園

西湖百咏引 董嗣杲環碧園詩繞舍晴波聚釣仙五龍
祠畔柳洲前清虛不類侯家屋輪奐曾資母后錢三面軒
窻秋水觀四時簫鼓夕陽船攬將
山北山南翠獨有黃昏得景全

小隱園 在小新隄舊係內侍陳源適安園近世所歌菊

花新曲破之事正係此處獻重華宮爲小隱園孝宗撥賜

張貴妃改爲永寧崇福寺又名小隱寺

武林舊事

思陵朝掖庭

有菊夫人者歌舞爲仙韶院之冠宮中號菊部頭然頗不

獲際幸旣而稱疾告歸宦者陳源聘蓄于西湖之適安園

一日德壽按梁州曲舞屢不稱旨提舉官從容奏曰此事

非菊部頭不可上遂命宣喚于是再入九禁某士演其事

以爲曲名曰菊花新

癸辛雜志

按葛嶺路亦有小隱園武林舊事云是史府園與此不

同

裴園

裴禧園與喬園史園並在小新堤

武林舊事

香林園

在九里松蘇仲虎尚書園

齊東野語

韓斯王就第後

放浪湖山一日至九里松望見蘇尚書方宴客徑造之賓

主歡甚取醉而歸翌日折簡謝且作二詞手書以贈

梁溪漫志

廖葑洲園

廖瑩中初有園曰香水鄰在葛嶺後歸賈相

別治園于東山街有花香竹色心太平相在世綵愛君子

習說等亭

武林舊事 趙汝鏐到簿約遊廖園詩名園新
盤頓尊酒約追隨春晚花飛少壻高蝶度遲注

湯童煖酒拍案客爭棋寂
莫秋千索無人盡日垂

集芳園 在葛嶺前臨湖曲後據山岡原張婉儀園後歸

太后殿理宗以賜賈氏改名曰後樂園

咸淳志

景定三年詔

以集芳園賜賈似道園故思陵舊物古木壽藤積翠四抱
仰不見日架廊疊磴極其管度之巧猶以爲未也則隧地
通道抗以石梁飛樓層臺涼亭煥館前抱孤山後據葛嶺
兩隄映帶一水橫陳各隨地勢以構架焉堂榭之有名者
曰蟠翠雪香翠巖倚繡挹露玉蕊清勝西湖一曲奇勳秋
壑遂初容堂初陽精舍山之坳曰無邊風月見天地心水
之濱曰琳瑯步曰歸舟通名之曰後樂園第之左瞰湖作

別墅曰光漾閣春雨觀養樂堂嘉生堂生意滿然生物之

府通名之曰養樂園

齊東野語

李彭老弔賈秋壑故居

空憫悵舊時吹笛處隔意風雨剝青紅
汪元量賈魏公府詩烏嶺當年宰相家游人不取此行車柳陰夾道鶯成
市花影壓闌蜂鬧衙六載襄陽園已解三更魯港事如沙
棟梁今日皆焦土新有固丁種火麻黃庚賈秋壑廢園
詩不學蒼龍卧浙東驚風吟珮墮青瓏既無長策安江左
空有名園似洛中危枝連雲晴亦雨飛樓近海夜生風人
間富貴皆塵土回
首湖山落照紅

水月園 楊存中葺園亭于湖山之間高宗爲書水月二

字

宋史本傳在大佛頭西後存中獻于御前孝宗撥賜嗣秀王

伯圭中有水月堂俯瞰平湖前列萬柳燕遊者多集焉成淳

志有瀛瀛堂玉林堂皆御書

武林舊事

樓鑰水月閣詩具美杯殘意未休相將重上

望湖樓樓臺忽已平居地風月何曾識舊遊更挈酒樽過
水月坐增詩興滿滄洲春風共約新橋畔遙拜雙龍萬斛
舟

挹秀園

在葛嶺水仙王廟前楊府駙馬園

咸淳志

總宜園

張內侍園在西林橋西

夢梁錄

摘東坡淡粧濃抹

總相宜二字御書堂扁

西湖百咏引

謝府園

在北山路有一碧萬頃堂

武林舊事

元帥夏若水居

西湖昭慶灣地宅百餘間及故宋謝太后歇涼亭有眉壽
堂百花堂一碧萬頃堂湖山清觀皆宏麗特甚又架船亭
水中每元夕亭館皆垂水晶簾放燈上下輝映士女縱觀

達曉

霏雪錄

按武林舊事以此爲萬花小隱園南山雷峰西又有謝
府新園卽舊甘內侍園見咸淳志

擇勝園 在錢塘門外九曲牆下紹定二年秀王府創有
理宗御書擇勝愛閒二扁今徙至錢塘酒庫側爲秀邸新

園

咸淳志

雲洞園 在錢塘門外古柳林楊和王園也直抵北關最
爲廣袤洞係築土爲之中通往來其上爲樓又有堂曰萬
景天全洞旁爲崇山峻嶺有亭曰紫翠間曰芳所曰天機
雲錦皆最勝處

咸淳志

有方壺瀟碧濯纓五色雲玉瓏璫金

粟洞天砌臺等處花木皆蟠結香片極其華潔盛時凡用

園丁四十餘人監園使臣二名

武林舊事 陳贊雲洞園詩和董嗣杲原韻園中殘

碣記先勳藥圃蔬畦次第竹下流泉有漾月林間幽洞曉生雲尋芳遊客酣春日弔古詩翁詠夕隱野鳥如歌又如怨名花零落美人墳

梅莊園 在西馬塍韓蘄王園廣一百三十畝堂曰樂靜

曰清風及竹軒皆高宗御書又有澄綠堂水閣梅坡芙蓉

堆及四時花木各有亭

咸淳志

曲江草堂 五雲山下錢維善故居

錢塘縣志 易恒題錢思復曲江草堂詩

浣花寂寞鐘山遠今見風流在曲江八十儀型猶有幾三千詞賦總無雙屋頭秋老凌霜樹竹下春閒聽雨窻好向

雨村尋舊隱月輪風澗響飛澗

南磻草堂 在九溪

張光弼集 張昱題張叔芳參謀南磻草堂詩 汪客構堂南澗清澗中濯

足任魚噴日容二仲共三徑家與萬松爲四鄰石角鈎衣
歸騎晚花枝妨帽小園春此來不敢歌叢桂知是淮王座
人上

橫山草堂 在六松林畔爲江氏別業有醉山閣擁書樓

竹浪居藏山舫有亭有橋有田有石 西溪苑 隱志

湖堂 在豐豫門外郡守蔣樂安公勗建前有集賢亭右

聳翠樓 乾道志 薛邦題湖堂詩一段風烟不可開出門
滿目是湖山昔人華厦今何在此日漁舟任自閒

鳳觀嶺新霄漢上龍洲依舊水雲間
歸來邱壑多幽趣願與諸君約往還

湖山堂 在南新路第二橋西咸淳三年洪安撫燾買民

地創建棟宇雄傑面勢端闕後三年安撫潛說友增建水

閣六楹又縱爲堂四楹以達于閣卓然爲西湖最遊者爭

趨焉

咸淳志

堂本魏靜齋了翁所建權臣惡之乃勒碑爲洪

雲巖建

桐江續集

方回湖山堂詩飛鳥穿堂柱半欹春晴猶不似春時上梁文記臨邛魏天目洪家却立

碑

任士林湖山堂詩樓臺影落空明外鐘鼓聲來紫翠中白日一庭歌舞地蕭蕭菰蔣已秋風

雪江講堂

在蘇公堤三賢祠堂北婺州布衣胡光淳祐

中充三賢講堂堂長結屋居焉洗自號雪江選羣公錦囊

集

西湖百咏引

思白堂

在水心保寧寺白樂天舊游元豐三年樞密使

林希榜曰思白示懷賢之意

咸淳志

陳師道思白堂記元豐四年余游吳過秀見林

侯林侯家于蘇而宦學于杭能道其江湖山林之美游覽之樂而甚愛思白堂也其秋八月就舍錢塘同思白之堂而往觀焉臨淵而望西山樓觀出焉淵深而林茂魚鳥樂焉江海山澤林廬之氣相錯風林水麓鳥獸之聲相亂而

兩霜寒暑晝夜之變不齊也慨然懷顧昔人之風聲而樂一時之得意宜俟之甚愛而不忘也而青老豪傑文學之士請載之石以侈其賜余未有以辭也湖之東洲保寧之寺故唐刺史白公居易燕遊之所也近時律師某治其後堂而請于侯于是名之以致其思又大書之以表其處而思自之號聞于吳中夫前世游居之士有傳于後者多矣獨有意于白公何耶進則効其忠退則存其身仁以成政文以成言此公之行而後世士大夫之所爲思也公爲刺史知民之膏于水築塘浚井以利民豈特士大夫之思哉夫怨其所惡思其所好人之所同士以德言民以功利其所異也兩吏無全能故上下之論不一若公則思者衆矣士之爲善誠無事于言而行終其身功盡于事必待言而後傳則又不可已也公言見于書行見于史故今有以思之此言之不亡而記之所以作也林侯嘗以集賢校理通判秀州今爲禮部郎中其文學行治略與公等後之人又將思之其可辭乎

依光堂

本錢氏靈芝崇福寺紹興中阜陵臨幸因創堂

扁曰依光

西湖百咏引

宋進士題名之地張卽之書額

萬歷舊志

翠樾堂

法雲盡上人繕其居之西廈曰翠樾堂以其得

山林之美蔭也戶其北垣曰陟崖門示其乘高必履正也

始其入林之徑曰嘯月徑高其所適也

鐙津集

按陟崖門步月徑並見西湖百咏

水壑書堂

樞密金淵號水壑嘗作書堂積慶山永清山

在後平鼎山在左湖山在前乃南北二峰之中最高處也

理宗御書積慶山怡顏藏書農圃諸額以賜之

武林舊事

潮音堂

壽聖院講堂秦觀題名記云夜二鼓至潮音堂

謂此

西湖古蹟事實 釋元淨潮音堂詩真說無所示真聽無所聞海湖山外過妙響入深雲

閒堂

在方圓菴東趙清獻公旣掛冠而辨才法師亦退

居此山稱兩閒人因以名堂

咸淳志 楊傑閒堂詩趙公歸休年訪師翠微間始知

世上白曰
兩人閒

白雲堂

上天竺寺有兩峰堂中印堂謝屐亭並廢唯白

雲堂尚存

西湖遊覽志

坐白雲峰故名莫攷厥初至辨才法師

重建

上天竺志

蘇軾題辨才白雲堂壁詩不辭清曉叩松扉却值支公久不歸山鳥不鳴天欲雪捲簾惟見

白雲飛

西嶺草堂

下天竺西嶺草堂唐元和中僧道標所居也

僧史稱師神氣清茂爲道旣高而詩尤精妙與吳興皎然

會稽靈澈齊名時之名人以摩雲霄三語贊之

始豐類稿

隱居堂

後漢陸瑋隱居靈隱山學易圖淮南王及九師

之像又云九師堂

晏公類要

思真堂

許道建在靈隱山

陸羽二寺記

邁自餘杭垂雷山移

入靈隱茹芝吟詩有終焉之志

西湖游覽志

涿淨堂

北山顯明院有涿淨堂

祥符圖經 蘇軾北山廣智大師回自都下過

期而歸時率開祖無悔同訪之因留涿淨堂竹鶴詩二首
涿淨堂前竹秋期赴白雲不知緣底事一日可無君涿淨
堂前鶴孤棲守竹軒胸
中無限事恨汝不能言

德生堂

天禧四年王欽若奏請西湖爲放生池明年王

隨記其事紹興時臣僚以駐蹕之地王氣所存尤宜涵養

乞仍以西湖放生慶元四年趙師彛創德生堂于石涵橋

西且作二亭其一濱湖爲祝網縱鱗之所名曰泳飛其一

枕山凡舊刻新銘皆峙焉淳祐八年趙與憲易山亭爲堂

又新濱湖之亭德生泳飛二扁皆理宗御書

咸淳志 蔡襄四月八日

西湖觀放生詩盈舟載魚蝦投瀉清波際應無校人欺獨
行流水惠非求升斗活終免螻蟻制江湖自相忘洲島亦
還遊暇思曩戒嘆餽省非計爲生豈不幸萍藻庶可翳
姚勉放生池亭納涼晚歸詩湖面輕烟起前山漸不分
鐘聲連樹合人語隔船聞吟客衣生月
歸僧笠帶雲及城門未掩燈火已紛紛

柏堂 陳文帝天嘉二年建廣化寺寺有當時所植二柏

其一已枯然堅如金石愈于未枯者僧志詮作堂于其側

名曰柏堂與竹閣相連久廢今基在西太乙宮有孝宗御

書蘇軾詩刻石覆以小亭

咸淳志 蘇軾柏堂詩道人手種幾生前鶴骨龍姿尚宛然雙

幹一先神物化九朝三見太平年忽驚華厦依巖出乞與
嘉名到處傳此柏未枯君記取灰心聊伴小乘禪 楊蟠

柏堂詩零落雪霜後猶舍千載
春一株化為石誰是種時人

涼堂 孤山涼堂西湖奇絕處也下植梅花數百本紹興
堂初成時有素壁四堵幾三丈高宗將臨幸內璫語曰官
家所至壁乃素耶亟趨御前蕭照往繪山水照乃乞尚方
酒四斗昏至孤山每一鼓卽飲一斗盡一斗則一堵畫成

若此者四上至周視四壁爲之嘆賞宣賜甚厚

四朝聞見錄 高似

孫涼堂詩水明一色抱神州雨壓輕塵靜不浮山北山南
人喚酒春前春後客凭樓射熊館暗花扶展下鵲池深柳
拂對白髮邦人能道
舊君玉竹奉土皇游

快雪堂 放鶴亭舊址之陽則馮司成快雪堂在焉

汪汝謙西

湖曲 萬歷癸卯馮夢禎結廬孤山之麓曰青岩居前爲堂

日晚研堂竹徑間置扉曰慧業菴復以地未高曠起堂山
半落成之日積雪時晴因取晉帖中語顏曰快雪自爲之
記湖山便覽 張遂辰過馮祭酒孤山草堂感舊詩孤山
曾訪草堂偏尚記烏巾返畫船絕代風流何處問滿川
春色倍堪憐酒闌客散池頭月茶廢僧消竹
外烟賢達如公無一繫莫將花石感平泉

白蓮堂 昭慶寺僧省常字圓淨慕廬山慧遠高風結華
嚴淨行社太原王文正公旦爲社長聯河內向敏中長城
錢若水東平呂祐之呂文仲潁川陳堯叟安定梁灝梁鼎
瓊瑯王化基清河張去華沛國朱昂始平馮元趙郡李宗
鏐宏農周翰隴西李至廣平宋湜太原王禹偁并省常爲
十八人預社者都共一百二十三人皆合廬山社人之數

種故事池種白蓮亦稱白蓮社大名宋白撰蓮社銘蔡州

孫何撰白蓮堂記社詩及銘皆久不存惟孫何記見宋志

湖山
便覽

南漪堂 在錢塘門外菩提寺西東坡咏南漪堂杜鵑花

卽此也

西湖百咏引沈蓮南漪堂詩山繞湖堂寺繞山平生願向此中間青雲白水相浮蕩野客高僧獨

住還年少自嫌軒冕累因循將恐髮鬢斑南漪最是逍遙地且抱清波濯媿顏

玉蓮堂 在錢塘門外菩提寺南景定二年安撫馬光祖

建三年安撫魏克愚奉玉蓮堂扁揭于此

咸淳一清堂後

改玉蓮競渡者爭標于此

武林舊事董嗣果玉蓮堂詩仙根曾就華峰移淨引湘波出

浴妃龍護前三字在燕居舊尹一清非風簷搖影涼安媚月檻迷香冷覽肥平展水天菱唱遠竹山蒼翠自成湖

照山堂

在錢塘門外

范石湖詩集

范成大梅花數株

詩九百緇塵滿客襟錢塘門外有園林繩床據處梅無限

酒竹垂邊柳木深晴日暖風千里日殘山剩水一人心元

方伯始皆吾黨選

西溪草堂

祭酒馮夢正別業

西溪苑
隱志

全一堂

在西溪

太倉梯
米集

易安齋

紹興二十五年光堯祀南郊因過易安齋愛其

去城不遠岩石幽邃得天成自然之趣爲賦梅巖詩光堯

于齋前拂石而坐至今謂之御坐石

四朝聞見錄
宋高宗易安齋梅岩詩怪

石蒼苔映翠霞梅梢練瘦正橫斜得
因祀事來尋勝試探春風第一花

西齋

許渾有青山李隱君西齋詩又作李郢

浙江通志
許渾遊

錢塘青山李隱君西齋詩小隱西亭爲客開翠蘿深處徧
蒼苔林間掃石安碁局巖下分泉通酒杯蘭葉露光秋月
上蘆花風起夜潮來雲山繞
屋猶言淺欲掉漁舟近釣臺

備萬齋 出杭州新門東北二百步又東折入委巷有屋

四楹在敗垣廢圃間問之徐氏業也備其牛苴漏補罅移

木牀瓦竈就居之四壁空無長物因大書備萬于其顏貢玩

齋集

雪齋 在方家峪西林法慧寺武林舊事宋慶歷中僧法言作

激水爲池疊石爲山灑粉樹杪狀若飛雪蘇軾題曰雪齋

秦觀爲記

武林雜記 秦觀雪齋記雪齋者杭州法會院言師所居室之東軒也始言師開此軒汲水以

爲池累石以爲小山又灑粉于峰簷草木之上以象飛雪之集州倅太史蘇公過而愛之以爲事雖類兒嬉而意趣

甚妙有可以發人佳興者爲名曰雪齋而去後四年公爲彭城復命郡從事舉君景衢蒙其名并自作詩以字之于是雪齋之名浸有聞于時士大夫喜幽尋而樂勝選者過杭而不至則以爲恨焉杭大州也外帶滄江漲海之險內抱湖山竹林之勝其俗工巧蓋質朴而尚靡麗且事佛爲最勤故佛之宮室碁布于境中者殆千有餘區其登覽宴遊之地不可勝計然獨不至雪齋則人以爲恨何也蓋公之才豪于天下斥其棄餘以爲詞章字畫者亦皆絕妙一時讀而玩之使人超然有孤峰遠擢之意是齋雖福小無足取稱于人而公所書詩實在其壁士大夫過杭而不能一至其地以寓目焉是豈所謂喜幽尋而樂勝選者哉以爲恨焉宜矣昔李約得蕭于雲飛白大書蕭字持歸東洛遂號所寘亭爲蕭齋余謂後之君子將有聞雪齋之風不可得而見者矣豈特爲今日之貴耶師名法言字無擇泊然瀟灑人也蓋能作雪齋從蘇太史遊則不問可知其爲人

訥齋

在南山僧辨才建

楊傑龍井壽聖寺記

蘇軾訥齋記錢塘有大法師曰辯才初

住上天竺以天台法教吳越吳越人歸之金帛之施不求而至居天竺十四年有利其富者迫而逐之師欣然捨去

不以爲恨吳越之人從之如歸市天竺之衆分散四去事
聞于朝明年俾復其舊師龜勉而還如不得已吳越之人
爭出其力以成就廢闕衆復大集無幾何師告于衆曰吾
雖未嘗爭也不幸而立于爭地久居而不去使人以已足
非彼非沙門也天竺之南山山深而木茂泉甘而石峻汝
舍我我將老于是言已杖策而往以茅竹自覆聲動吳越
人復致其所有境嶮堙圯築室而奉之不期年而荒榛岩
石之間臺觀飛湧丹堊炳煥如天帝釋宮師自是謝事不
復出入高郵秦觀太虛名其所居曰訥齋道潛師參寥告
予爲記予聞之師始以法教人叩之必鳴如千石鐘來不
失時如滄海潮故人以辯名之及其退居此山閉門燕坐
寂默終日果落根榮如冬枯木風止波定如古澗水故人
以訥名之雖然此非師之大全也彼其全者不大不小不
長不短不垢不淨不辯不訥而又何以名之雖然樂其出
而高其退喜其辨而貴其訥此衆人之意也則其以名齋
也亦宜系之以詞曰以辯見我既非見我以訥見我亦幾
于妄有叩而應時止而止非辯非
訥如如不動諸佛既如我亦如是

碧波亭

在子城北門外五代史載錢氏大閱兵于碧波

亭嬰公類要亭臨水面濶數丈元豐四年郡守張詵重建

咸淳

望越亭 慶歷中守蔣堂建政和初守張閻遷巽亭于此

咸淳志 陳希元望越亭詩颯颯西風葉葉秋誰家烟火起滄洲乘閒不耐無機性擬勸漁翁直釣鉤 趙抃望越亭寄陳給事詩望越亭無一點塵迢迢東首坐疑神雨餘岫色濃如黛日出波光爛若銀我類武陵歸去客君爲蓬島上頭人誰知老守吾鄉便得與詩翁作善鄰

關氏二亭 錢塘關氏于其居之右積土爲坂伐石爲壇

坂之下有甘井焉挾以二室左曰巢亭右曰節亭關氏作

亭之明年來京師屬予爲之記

陳師道記

武林亭 太乙宮後小土阜曰虎林山上有亭曰武林環

以花竹

四朝聞見錄

隆禮亭

祥符舊經云在郡城錢塘舊治南到縣一十三

里又敦禮亭到縣十二里崇禮亭到縣十一里並在錢塘

舊治之南

乾道志

安濟亭

祥符舊經云在錢塘舊治南到縣二十里

乾道志

蘇舜欽宿錢塘安濟亭觀湖詩支肘聽潮聲喧歷久未停
隨風過漁浦伴月出滄溟鱗穴復時滿香神果有靈連天

卷雲霧徹曉下雷霆拾楫將心倦憑
闌醉魄醒誰窮造物意擬訪鄜元經

秀江亭

在月輪峰開化寺傍

武林梵志樓鑰次韻六
和塔秀江亭壁間留題詩

江外參差列萬山我家深在萬山間好山正不用錢買但
要未老身先閑長江此愁終似少江水能回愁未了扁舟

何日過西陵鄉

山佳處吾歸老

白賁亭

在六和寺

趙清獻集趙抃登開化寺白賁亭
詩秋霽清江氣象寬龍山亭巖凭雲

端老僧欲快吾心目
旋剪當軒竹數竿

南亭 在郡城東南隅唐建

萬歷舊志 杜牧南亭記趙郡李子烈橋立朝名人也自

尚書比部郎中出爲錢塘錢塘于江南繁大雅亞吳郡子烈少遊其地委曲知其俗蠢人者剔削根節斷其脈絡人隨化之三箋于丞相云濤壞民居不一捍銅敗侵不休詔與錢二千萬築長堤人益安喜子烈曰吳越古今多文士來遊者登樓倚軒莫不飄然而增思吾郡之江山甲于天下信然也乃作南亭于城東南隅江平入天越峰如髻越樹如髮半夜酒餘殷殷浪聲起于月外東閩雨越宦遊善地也子知百數十年後登南亭者念仁聖天子之神功美子烈之舊跡觀南亭千萬狀吟不辭已四時千萬狀吟不能去作爲歌詩次之于後不知幾千百人矣

按此與舊州治內南亭不同通志系姚合詩于此下者

誤

介亭

在鳳凰山對排衙石熙寧中郡守祖無擇作天風

冷然有縹緲憑虛之意

咸淳志

祖無擇

介亭銘并序亭前有石二僧自北而南有若衙道

故諺以排衙稱因名其亭曰介亭銘曰猗歟茲亭仁智是經控帶山海周旋日星嘉乃成績取名于易維介之義以敏厥德孫覺介亭詩真人昔未起奔鹿駭四方連延天目山兩乳百里長有地跨江海無種生侯王中有燎穹晏列石表壇場朱旗大梁野英氣通八荒寥寥百年後故物亦已亡所餘被曉巖峰巒屹相望主人承明老星斗工文章築亭紫霄上坐客蒼林旁攀雲弄明月曉星出扶桑禹山隔波濤簡書永埋藏願達希夷使水土還故鄉蘇軾登介亭餞楊傑次公詩盤輿百出登山門嘉與我友尋仙村丹青明滅風篁嶺環珮空響桃花源前朝欲上已蟻殿黑雲白雨如傾盆今晨積霧卷千里豈畏觸熱生病根在家頭陀無爲子久與青山爲弟兄孤峰豳處亦何有西湖鏡天江抹坤臨高揮手謝好住清風萬壑傳其言風回響谷君聽取我亦列處隨君軒又述古召飲介亭作西風初作十分涼喜見新橙透甲香遲暮賞心驚節物登臨病跟怯秋光慣眠處士雲菴裏倦醉佳人錦瑟旁猶有夢回清興在卧岡歸路桑聲長陳襄會飲介亭次蘇子瞻寄詩韻山頭高會喜初涼翠石排衙夾徑香原蕙杖紫空有

病陶生澆酒且和光江湖帶月來雲外天籟和
琴歷耳旁小妓不知君倦起歌眉猶作遠山長

望海亭

聖果寺中峰畔舊有望海亭今廢

西湖游覽志
王炎二月

中休日黃帥領客登望海亭次韻詩
飛棟宇壓危峰面
面風光入座中潮汐近通天闕下蓬瀛擬在海門東舟航
誰說秦皇事疏鑿今作夏后功空
洞無邊惟此地君侯心與境相同

望江亭

尊勝寺門俗云望江亭俯視錢塘江水大畧與

揚子江同但隔岸越山蒼翠若勝耳遠見西興渡口烟樹

如薺

客杭記何景福望江亭詩曲水亭空卧石龍入門
懸鼓震蓬蓬六朝冠冕埋孤塔七寶幡幢占故宮借

劍生前誰斬倭震堂死後尚旌忠墓
潮西上東風急滿目山河落照紅

振衣亭

在敷文書院西北明布政使顧璘作同時汪珊

作卧翠亭李節作寒椒亭三亭前後相望

舊志費宏振
衣亭詩懷抱今

朝得好開吳山頂上踏莓苔雲連蓬鳥羣峰出風鼓松蔭
萬壑哀吾道光輝存勝地諸公意氣聳層厓客衣擾擾多
塵土振袂重
登百尺臺

種德亭 處士王復家爲人多伎能而醫尤精築室候潮

門外治園圃作亭榭日與賢士大夫遊惟恐不及而終無

所求人徒知其接花藝果而不知其所種者德也乃以種

德名亭

東坡居士集 蘇軾贈王處士詩小圃傍城郭閉門芝術香名隨哲人隱德與佳木長元化善養性

倉公多禁方所活不可數相逢隨相忘但喜賓客來置酒花滿堂我欲東南去再觀雙桂蒼山茶想出屋湖橋應過

將木老德亦熟
吾言豈荒唐

望湖亭 唐時在孤山之北宋徙寶石峰明初復故址四

面玲瓏夏月最快

萬厓舊志 白居易湖亭晚歸詩蓋日湖亭卧心閑事亦稀起因殘醉醒坐待

晚京歸松雨飄簾帽江風透葛衣柳堤行不厭沙軟雪霏霏
周權湖亭秋望次韻詩紅衣老盡玻璃國孤嶼寒烟
落秋色豆花雨過水風涼落日殘蟬疎樹碧鴈天紺滑秋
雲淨光涵炯炯開寒鏡蟾枝香冷酒微醒長笛一聲無盡
興

歲寒亭 孤山之陰有一亭在高阜上曰歲寒線亭皆古

梅 遂昌雜錄 崔鉅夫題歲寒亭詩吾廬不暇理且復理
斯亭風雨從渠破雲山送我青蒼龍千歲質白鶴九霄
翎相與成三友
今年聚德星

飲綠亭 昭慶寺後有楊府具美園飲綠亭 夢梁錄 范
成大李翬知

縣作亭西湖上余用東坡語名之曰飲綠遂成勝概詩芷
葦蓮巢喚客遊蘆鞭席帽爲君留未論吹水堪添酒且要
安床學枕流乍霽却陰梅釀雨欲暄還冷麥
催秋石湖也似西湖好頰向蒼烟問白鷗

垂雲亭 葛嶺後寶嚴院舊名垂雲有垂雲亭 咸淳志
陳襄賦垂

雲亭詩小亭巉絕出雲間萬象升沈不得閒莫怪詩翁頭
白早時來向此寫湖山蘇軾僧清順新作垂雲亭詩江
山雖有餘亭樹着難隱登臨不得要萬象各偃蹇惜哉垂
雲亭此地得何晚天功爭向背詩眼巧增損路窮朱欄出
山破石壁狠海門浸坤軸湖尾抱雲嶽葱蔥都城麗淡淡
烟村遠紛紛鳥去一一漁樵返雄觀快新獲微景收昔
邈道人真古人嘯咏慕嵇阮空齋卧蒲褐茫茫履每自掘天
隣詩人窮乞與供詩本我詩久不作荒澁旋鋤壘從君覓
佳句咀嚼
廢朝飯

夢謝亭 州西靈隱山有夢謝亭卽是杜明浦夢謝靈運

之所因名客見也

長慶集
自注

靈運父不宜子息乃于錢塘杜

明師舍寄養明師夜夢東南有賢人相訪及曉靈運至故

有夢謝亭

晏公
類要

一名客見亭盧元輔詩絕頂客見亭是也

西湖志

楊蟠客見亭詩音日林間興風流謝客見青山
花又發不見屐來時 貞瓊夢謝亭詩相傳謝康樂曾遊

杜明師此容今爲土何人更解詩山空黃葉
墜歲久綠苔滋日暮高亭坐悠然動我思

冷泉亭 在飛來峰下杭州刺史元莫建方輿政和中僧

惠雲又于前作小亭郡守毛友命去之咸淳亭上冷泉二

字乃白樂天書亭字乃東坡續書武林舊事白居易冷

郡爲最由郡言靈隱寺爲尤由寺觀冷泉亭爲甲亭在山

下水中中央寺西南隅高不倍尋廣不累丈而撮奇得要地

搜勝攬物無遜形春之日吾愛其草薰薰木欣欣可以導

和納粹暢人血氣夏之夜吾愛其泉澗澗風冷冷可以獨

煩析醒起人心情山樹爲蓋崖石爲屏雲從棟生水與階

平生而玩之者可濯足于林下卧而狎之者可垂釣于枕

上矧又潺湲淙淙冷柔滑若俗士若道人眼耳之塵心

舌之垢不待盥滌見輒除去潛利陰益可勝言哉斯所以

最餘杭而甲靈隱也杭自郡城抵四封叢山複湖易爲形

勝先是領郡者有相里君造虛白亭有韓僕射臯作候仙

亭有裴庶子常棣作觀風亭有盧給事元輔作見山亭及

右司郎中河南元莫最後作此亭于是五亭相望如指之

列可謂佳境輝矣能事畢矣雖有敏心巧目無所加焉故
吾繼之述而不作梅詢冷泉亭詩古竇鳴幽泉蒼厓結
虛宇六月期客游披襟苦徂暑開窓弄清淺吹鬢疑風雨
不見白使君烟蘿爲誰語毛友冷泉亭詩并序昔人以
爲冷泉未極其妙因加小亭其上然冷然水光滃然山翠
以故去者過半予以爲不必加工但去其尤贅者斯善也
如鏡中而加續畫非不美好所以爲清明者逝矣拂拭舊
翳舊觀復還而山取勢俯山中亭外安亭自蔽蒙眼界已
通無碍物胸中陡覺有真空試尋檜響驚時變却聽猿啼
與舊同萬事須臾成轉易我來閱世一初終方回冷泉
亭詩寺門不須入林澗瑩清襟老樹幾前代冷泉如我心
繼蘿猿接果龕石佛添金別有真天趣月寒秋夜深沈
周題冷泉亭圖次劉英韻詩入林兜子送斜暉酒面風情
色漸微白髮再來渾覺老青山久住不重飛老僧古寺相
逢熟故園遺踪欲見稀千箇長
松卧房近吹燈還照鶴羣歸

候仙亭

唐守韓臯建久廢安撫趙與憲更造

咸淳志
白居易候

仙亭詩蹇步垂朱綬華纓映白鬚何因駐衰老只且有歡
娛酒興還應在詩情可便無登山與臨水猶未要人扶

沈亞之候仙亭詩新初仙亭覆石壇雕剛峻宇
入雲端嶺北嘯猿高枕聽湖南山色捲簾看

虛白亭

唐守相里君造

然一室生虛白

包括須彌百千

億卧遊恍訝玻璃宮幻出諸天帝青色常作清淨觀廓達
舍太空水晶寒映座上月玉氣晴射窓間虹神光圓照徹
中外萬物朗融無隔碍空明一色鏡涵天觸目如居焰摩
界我坐此室依靈光闍浮大樹多陰涼門開冷泉徑路入
無何鄉道人不起那伽定夜明簾捲當銀潢扶過毘耶城
超出摩竭方身本無來亦無往那用三萬三千獅子床可
知有相皆非實明暗色空誰辨的莫教童子窺習禪誤作
水光投瓦礫掃除聖解并凡情純清絕點泯見精忽驚兜
率海天曉紅輪碾破琉璃青案相里
君名造咸淳志脫建字辨正見雜記

見山亭

唐守盧給事元輔建

咸淳志

一名巢雲在靈隱寺

後山半

錢塘縣志

張商英見山亭詩簾捲疎烟醉眼開

致來丹桂有時明月滿舊山無路白猿
哀禪僧指我真空理心火茫然一夜灰

觀風亭 在冷泉亭側唐庶子河東裴常棣建今下天竺

寺後有登嘯亭即舊觀風亭址

咸淳志

翠微亭 在靈隱山飛來峰半宋紹興十三年韓世忠建

即韓跨驢行遊處時岳飛死岳曾有登池州翠微亭詩故

名此亭以憶岳也

大清一統志

乾道五年安撫周淙重建

咸淳

志 洪适次韻范守翠微亭詩帶郭長堤十里春是中佳處外風塵屑屑危磴渾依舊一一高亭已漸新領畧江山初縱目翦除荆棘不勞神攜壺一笑須投隙官事何時可脫身

紫薇亭 郡守紫薇舍人唐詢暇日至靈隱山顧訪勝概

後建亭于此因名

咸淳志

曲水亭 自合澗南趨爲曲水亭

武林志

在下天竺寺前端

平中大風拔亭仆淳祐間重建遵式立陸羽二寺記碑尚

存西湖百咏引薛映曲水亭詩臺盤踞石渠淨流環四面夏屋有餘清羽觴隨意轉賓告醉言歸主稱歡未倦

雖非禊飲辰豈謝蘭亭燕

枕流亭 在下天竺御園內有無竭泉

咸淳志周必大詩并序丁酉二月

二十日同部中諸公遊下竺御園坐枕流亭觀放蘭桃花數萬點隨流而下繼至集芳亦禁藥也海棠滿山郁李繞闌殆不類人間世遂賦絕句萬點紅隨雪浪翻恍疑身到武陵源歸來上界多官府人與殘花兩不言

謝屐亭 宣梵師靜處觀堂陟兩峰之麓每喜着屐嘗曰

安石隱東山乃携妓遊薔薇洞吾以松竹爲薔薇以白雲

明月爲妓何忝安石哉因選徑半爲亭以述厥志

上天竺山志

葉紹翁登謝屐亭贈謝行之詩君家靈運有山癖平生費盡幾兩屐從人喚渠作山賊內史風流更誰識西窓小憇

足力疲夢賦池塘春草詩只今殿朽詩不朽五字句法誰能追天台覽徧典未已天竺山前聽流水秦人稱帝魯連恥卑向蒼苔留屐齒乙菴是渠幾世孫登山認得屐齒痕摩挲苔石坐良久便欲老此岩之根吾儂勸渠且歸去請渠更學遙遙祖遙遙之祖定何誰曾出東山作霖雨乙菴未省却問儂莫是當年折屐翁

過溪亭 辨才老師退居龍井不復出入余往見之嘗出

至風篁嶺左右驚曰遠公過虎溪矣辨才笑曰杜子美不云乎與子成二老來往亦風流因作亭嶺上名曰過溪又

名二老

東坡居士集 蘇軾過溪亭次辨才韻詩日月轉雙轂古今同一邱惟此鶴骨老凜然不知秋去住

兩無礙人土爭挽留去如龍出山雷雨捲源湫來如珠還浦魚鼈爭駢頭此生暫寄寓常恐名實浮我比陶令槐師爲道公優送我還過溪溪水當逆流聊使此山人永記二老遊大千在掌握寧有離別憂成廷珪遊龍井過南天竺登二老亭詩二老題詩處風流不再違客歸黃葉雨僧住白蓮峰誰謂山無鳳人傳井有龍白頭江海上今夕寄

行

龍泓亭

在龍井見趙清獻集

西湖志

趙抃龍泓亭詩

并序子元豐己未仲春甲

寅以守杭得請歸田出遊南山宿龍井佛祠今歲甲子六月朔旦復來六年于茲矣老僧辨才登龍泓亭烹小龍茶以送予因作四句云湖山深處梵王家半紀重來兩鬢華珍重老師迎意厚龍泓亭上點龍茶

聽泉亭

近法相寺里許沿塢而上蘇軾題榜

武林

霽雲亭

由南屏山麓而上百步許東趨抵霽雲亭西趨

過小石門抵積翠亭由積翠亭而西曲折而上抵發幽亭

視錢塘城郭若見諸掌由發幽亭而東抵白雲亭厥徑枝

分所往皆深林茂竹矣

鐸澤集

映發亭

清雲臺上人名其亭曰映發取王子敬山川相

映發之語也

郭祥正映發亭詩吳越江分斷山光
還映發白鳥東飛來應隨渡江月

西水亭

西湖百咏
郭祥正西水亭詩湖添秋氣
淨鳥伴夕陽沈鳴咽城笳起猶忘歸去心

潺湲亭

古稱阿閼佛塔亭旁有溝引湖水以注相國井

而水衝突沸騰因名

乾道志

涿澤亭

在湧金門外
事文類聚
洪邁涿澤亭記畧敷
文閣直學士張子頤卽湧金門外

木榭故址締爲新亭取蘇軾語揭之曰涿澤歲四月丙寅
萃鱗翼二十四萬朝服敬禱一一而縱之祝曰爲兩宮千
萬歲壽旣設役以書屬
葵州守洪邁紀其事

集賢亭

在豐豫門外湖堂前
乾道志

柳洲亭

明嘉靖時郡守陳仕賢建初曰柳洲別館後改

是名

錢塘縣志

按亭在湧金門北爲舊柳洲寺基後有樓陳守題曰豐樂
存舊蹟也縣志謂亭卽宋豐樂樓未是

通遠亭

祥符舊經云在錢塘縣舊治北到縣四里

乾道志

學士軒

在保叔塔右元集賢學士黃潛遊杭僧炬爲架

此軒舍之

成化舊志

潛嘗作文贈炬卷軸尚在今扁爲天然圓

畫處卽此軒遺址

兩湖塵談

此君軒

在壽星寺西廊僧房中窗外多竹此扁尚是故

物

西湖百咏引

蘇軾此君軒詩卧聽謾謾碎龍鱗俯看蒼蒼立玉身一舸鳴夷江海去尚餘君子六千人

寒碧軒

葛嶺壽星院有寒碧軒及東坡詩刻

武林舊事

東坡

旣賦寒碧之句吳氏說能草聖行書尤妙嘗書坡句于寺

之髹壁高宗詔僧借入宮中留玩者數日復命還賜本寺

四朝聞見錄 蘇軾壽星寺寒碧軒詩清風蕭蕭搖窻扉

意前修竹一尺圍紛紛蒼雪落夏簟冉冉綠霧沾人衣日

高山蟬抱葉響人靜翠羽穿林飛道

人絕食對寒碧爲問鷓鴣骨何緣肥

借竹軒 葛嶺後寶巖院有借竹軒 咸淳志 秦少遊宿廬山

宮亭舟中側枕視微波月影縱橫追憶昔嘗宿雲老借竹

軒見西湖月色如此遂夢美人自言維摩詰散花天女也

以維摩詰像求讚且以詩戲曰不知水宿分風浦何似秋

取借竹軒問道詩詞妙天下廬山對面可無言

冷齋夜話

按錢塘縣志謂借竹軒在吳山瑞隆院又謂秦觀宿軒

中夢天女皆誤

清軒 高識上人闢其精舍之南廡盡得山川美景武功

蘇子美始名之曰清軒其後賢士大夫多遊賞而賦咏之

鐔津集

蘇舜欽清軒詩誰鑿幽軒利眼明湖中佳處更

禪屬龍聽夜講寒生席鷗伴晨齋暖戲庭水月澄空應作

觀雲山濃淡白開屏我公亦
爲留奇句此地人間合有靈

開軒 在合澗橋西北元祐中有李居士者居此與東坡

往還名失攷

咸淳志

蘇軾遊靈隱寺戲贈開軒李居士
詩推倒齋垣也不難一軒復作兩軒看若教

從此成千里巧
歷如今也被謾

按蘇詩本題下自注有李泌節推四字則居士卽李泌

蘇詩補注載其事

跳珠軒 在下竺知客寮中東坡和周次元激水詩存有

石刻

西湖百咏引

周燾天竺觀激水詩拳石蒼婆色雨

雨聲

蘇軾和韻詩道眼轉丹青常

于寂處鳴早知雨是水不作雨般聲

叢玉軒

在淨慈方丈後有鹽運使李員嶠畫墨竹一林

儒學提舉趙松雪題名叢玉參政姚牧菴作記憲副鄧善

之書板列在軒楣

張光弼集

一段奇軒 雷峰陰淨相院有無盡意閣娛客軒一段奇

軒

咸淳志

聽泉軒

在龍井

張光弼集

張昱聽泉軒詩爲龍井僧

夜深松上落來鶯鶴夢潭中瀉下雜龍吟觀心已淨平生

垢到耳能空現在心此去涓流如不息沛然莫禦海鯨音

滴翠軒

在虎跑坡公書額

錢塘縣志 高德賜奇題虎

跑寺無已求上人滴翠軒詩

千古大慈清淨境一軒小立碧峰坳
遠煩好事輸材木試與安禪蓋
把茅坐席不施開玩具行囊且解遠遊包襟懷
冰雪欣瀟洒踪迹塵埃恥混淆雲巒晴嵐供帳設
風林爽簾鼓絃絳澗阿怪樹龍新挾不虜靈泉虎
舊跑空翠濛濛如酥露溥珠泊泊
蓬成泡染衣秋色何嘗著過眼春華不待拋
東向松枝時復顧西來貝葉日須鈔此郎乃向僧
中見我老方為客裏交夙世有香曾結願長年無
信恐貽嘲舊游門徑須重訪杜杖非因看竹敲

鑿翠軒 在法華山下明姚江孫樹隱居樹賦性簡僻閉

戶著書三十餘載未嘗與世人接

西溪百咏片

耕樂軒 耕樂處士許文泰世居錢塘靈芝鄉治農于宦

塘褚壩之間暇且讀書楊廉夫宇文子貞陸德陽張居貞

等皆與之交存詩數百首辭高而趣遠號耕樂軒稿

始豐類業

桑柘軒 凌雲翰家城北夾城巷有室曰桑柘軒卽以柘

軒自號

夏節
行狀

望海樓 在舊州州治中和堂之北唐武德七年建一名

望潮樓又名東樓

大清一統志

望潮樓高一十丈在縣南一

十三里

太平寰宇記
南望江樓對海門

風濤生有信天水合無痕鷁帶

雲帆動鷁和雪浪翻魚鱗聚爲寺烟火起成村日脚金波
碎峰頭細燕繁送秋千里鳴報暝一聲猿已歸煩襟悶仍
開病眼昏邵中登眺處無勝此清軒元稹和白樂天重
題別東樓詩山容水態使君甲樓上從容萬狀移日映文
章霞細麗風吹鱗甲浪參差鼓龍潮戶凌晨擊笛賽婆官
微夜吹喚客潛揮冶紅袖賣城高掛小青旗臘鋪床席春
眠處乍捲簾帷月上時光景無因將得去爲郎鈔在和郎
詩蘇轍次韻子瞻登望海樓詩五絕山色潮聲四面來
城中金碧爛成堆不愁門外嚴扃鎖終日憑欄未擬回湖
色蒼蒼日向斜烟波萬狀不容誇畫船人去浮紅葉石空
僧歸蹕白虬樓觀爭高不計層巒巖過鳩目相磨錢王舊
業依稀在歲久無人話廢興荷葉初乾稻穗香鷺雷急雨

送徵涼晚晴稍放秋山色洗卻濃粧作淡粧白酒傾漿膾
斫紅晝游未厭月明中樓高已辨聽歌鼓不見游人轉似
蓬

疊雪樓

錢武肅王子疊雪樓架三千弓弩射潮湖頭爲

之欵去

吳越
備史

豐樂樓

在豐豫門外政和七年守徐鑄命鈴轄楊靖于

湖堂之右以衆樂亭舊址臨湖爲聳翠樓今日豐樂樓

乾道

志 揚載豐樂樓詩崢嶸飛構壓名邦西望平湖東望江
氣合重安蒙沆瀣標存九域奠洪龐朝來散霧縈朱拱夜
後流星透碧窻獨倚闌干
愁目眩飛鸞旋轉故雙雙

湧金樓

在府城西宋郡守徐鑄建極壯麗

成化
舊志

與湖堂

五龍王廟鼎足相望薛昂湖堂詩鳳閣斬新霄漢上謂此

湖山
便覽

望湖樓 一名看經樓乾德五年忠懿王錢氏建去錢塘

門一里

乾道志

先得樓卽古望湖樓

武林舊事

潘閔望湖樓詩望湖樓上立竟日

懶思還聽水分他界看雲過別山孤舟依岸靜獨鳥向人
閒回首重門閉蛙聲夕照閒蘇軾詩六月二十望湖樓
醉書五絕黑雲翻墨未遮山白雨跳珠亂入船捲地風來
忽吹散望湖樓下水如天放生魚鼈逐人來無主荷花到
處開水枕能令山俯仰風船解與月裴回烏菱白芡不論
錢亂繫青菰爨綠盤忽憶嘗新會靈觀滯流江海得加餐
獻花游女木蘭橈細雨斜風濕翠翹無限芳洲生杜若吳
兒不解楚詞招未成小隱聊中隱可得長閒勝暫閒我本
無家更安往故鄉無此好湖山

詠物樓 林和靖訪錢塘謝尉賦秋水芙蓉詩因建詠物

樓

西湖游覽志

林逋錢塘仙尉謝君詠物樓成寄題二
韻詩仙人多在巖譙居况對西山爽氣餘若向湖濱屬

佳句莫忘秋

水落芙蓉

天鏡樓

在南屏山

舊志 姚廣孝與畧勉二公登南屏天鏡樓詩歲月度如流江湖作浪遊

相逢俱在客此日共登樓雲氣千峰合
香林一雨收只愁歸思促無復爲遲留

松聲樓

在靈石山

黃潛詩集 黃潛題松聲樓詩長松
凶簷間落落無與伍天清嘯歌發肯

作兒女語道人有真聽無迎亦無拒向不知有耳况覓聲
處所起視南山高明月在庭戶應念市朝人聞雞走風雨
錢惟善松聲樓詩爲行可住上人賦南山多巨松空翠
拂靈石石根蟠茯苓寒疑一洪碧結樓俯清陰下有雲半
席天籟發蚪髯神光生琥珀馮虛奏韶濩震霆鼓潮汝猛
若鐵騎奔街枚襲空壁悄若鶴在陰仙音飛九澤娟娟如
有情冷冷寂無迹道人
了不聞落月滿樓白

夕佳樓

在南天竺山下演福寺舊址徐一夔有記

武林
梵志

張雨夕佳樓詩西山朝氣爽南山夕氣佳朝爽人共歡
夕佳吾所懷山僧閱世久結廬深遶乖蕙樓將對峙菌閣

亦雙排維南列崇阜不受烟嵐羃我亦遲暮
久心跡倦鳥借茲焉寄高躅庶與靜者諧

映江樓 在永昌門外宋時有亭扁曰烟雲魚鳥元至正

十年重建扁曰瞰江明正德元年改層樓扁曰映江尚書

屠瀟爲記

西湖游覽志

樓外樓 在湧金門外山陰祁氏別墅

浙江通志

儒賢亭會閣 故相劉正夫之居在萬松嶺東青平門政

和三年勅建御書閣賜是名

乾道志

正夫晚年築第杭州萬

松嶺以建閣奉御書爲名悉取其旁軍營民舍議者譏之

宋史劉正夫傳

竹閣 舊廣化寺柏堂之後有小閣多植竹白公每偃息

其間遂以名今與寺俱徙

咸淳志

舊址在孤山杭人因祀白

公于此宋徙置北山報恩院而閣已廢明嘉靖二十四年

太守陳一貫又建仍祠白公

錢塘縣志

白居易宿竹閣

清虛當服藥兩獨抵歸山巧未能勝拙忙應不及閒無勞

別修道只此是元關蘇軾和張子野竹閣見憶詩柏堂

南畔竹如雲此閣何人是主人但遣先生披鶴氅不須更

畫樂天真姚勉題西湖竹閣詩二首人門纔見萬琅玕

便覺玲瓏日影寒峰勢近環橋外立湖光更好竹中看烟

霞古淡僧容瘦風露清高鶴夢殘已占兩亭涼坐足再須

登閣倚闌千古清風白樂天昔時會此飽談禪自從西

閣無吟迹唯有東坡嗣舊傳來往祇應湖上寺聽閣誤說

海中仙我來再拜祠堂

下笑摘岩花薦井泉

巢居閣 林處士居有巢居閣元江浙儒學提舉長沙李

昉重建廢久明成化十一年浙江左布政使賓良右布政

使杜謙杭守陳讓重建于三賢祠右偏

成化舊志 林通巢居閣偶書詩遶

舍青山看未足故穿林表架危軒但將松籟延嘉客常帶嵐霏認遠村吳榜自能凌晚汰湘纍何苦屬芳蓀餘生多

病期恬養聊此棲遲一避喧

挹翠閣 孤山挹翠閣臨水上下皆拱斗砌成極為宏麗

與歲寒亭皆盧董二瑤建西太乙宮時並建

遂昌雜錄

四照閣 在孤山巔方輿勝覽山巔舊有開氏四照閣頃部使

者獻西湖圖神廟問關氏四照閣安在其知名如此太倉梯米

集蘇舜欽閩都宮孤山四照閣詩勢壓蒼崖嶽可驚攀雲平日到軒楹旁觀竹樹回環翠下視湖山表裏清漸覺

愁隨烟靄散只疑身有羽翰生他年君掛朱轡後蠟屐叩

枝伴此行鄭澗四照閣詩湖山天下之絕境羣山繞湖千百重碧筍四插明鏡綠此閣正落明鏡中富軒不置窻與樞湖光山翠還相通側耳似聞天仙語接手便欲翻長

空

西閣 在孤山又名彌勒閣有石塔七層今不存

咸淳志釋志

文西閣詩揚柳蒹葭覆水濱徘徊南望倚闌頻年光似鳥翻翻過世事如碁局局新嵐積遠山秋氣象月生高閣夜

精神鷺飛一陣鳧鷖

起蓮葉舟中把釣人

天然圖畫閣 在寶叔塔旁一勺泉之陽憑高眺遠一目

無際雲山烟樹儼若繪成

萬歷舊志詩千峰萬壑

顧璘天然圖畫閣

溟濛開大塊丹青隨意得炎天冰雪傍舟來不禁楊柳牽衣袂且復荷花近酒杯曾是君王游幸地彩雲時護按歌臺

望海閣 在北高峰頂

萬歷舊志隱寺志

下竺後有天香亭在山絕

頂望海閣之舊基咸淳三年賈魏公領客來遊築亭其處

咸淳

志

草閣

在江上

西湖志

菌閣

在西馬塍句曲外史張雨以故人朱明字止堂餘

壤爲閣四楹

成化舊志

初雨居金菌山有菌閣吳興趙子昂篆

榜迨結廬馬塍移以署新閣焉

湖山便覽 陳旅菌閣記 畧錢塘城北有村曰馬塍

居民多業藝花土沃俗質聚近而墟遠至元後丙子歲句
曲外史來棲焉外史杭人入華陽洞學道廿餘年世慮消
盡獨成一遺里展墓覽春木脚野不能去乃二月來歸得
一候言笑于是閣因徵記刻于溪石外史張氏名天兩字
伯雨海昌無垢翁之後昆也明字名希晦龍虎山高士止
堂易氏之元裔云 張雨菌閣詩岩築菌芝閣榜題松雪
扉雲來盡簾宿龍向墨池歸對几琴三外

倚闌山四圍仙靈能夜降應得授元機

留月臺 留月臺玉壺臺並在萬松嶺上夾道植松有八

盤徑名勝志

繙經臺 在下竺香林門道裏靈運于此將北本涅槃經

翻爲南本三十七卷

西湖百咏引

廬山記言靈運見遠公以涅槃經翻爲南本遂以名臺則臺當在廬山而茲山更見豈

後人希謝氏高風而托名耶

西湖游覽志 白居易翻經臺詩一會靈山猶未散重翻

貝業有來由是名精進纜開眼岩石無端亦點頭

飯猿臺 在呼猿洞口廣丈許高二尺僧智一居此畜猿

好事者每來施猿飯故名

古蹟考

懷山臺 在蘇公堤三橋見芸居乙稿

西湖志 陳起過三橋懷山臺詩賈

花聲裏憑闌處沽酒樓前對雨時景物如初人自老夕陽波上燕差池

琴臺 在慧日峰怪石聳秀石壁有米元章琴臺二大字

淨慈寺志

林逋故宅 逋結廬西湖之孤山二十年足不及城市真

宗賜粟帛詔長吏歲時勞問

宋史隱逸傳

王隨知杭日訪其廬

見其頽敝出俸錢新之

青箱雜記

和靖書孤山隱居壁山水未

深猿鳥少此生猶擬別移居直過天竺溪南上獨木爲橋

小結廬和靖結廬西湖此詩又有卜居之意猶以爲入山

未深入林未密也

名賢詩話

林逋湖山小隱詩二首竹

懶得花疎酒病妨
妨開卷陰入荷
勤嘗憐古圃
豈多半寫
樵漁猿鳥分清絕
林蘿擁翠微
步穿僧徑出
肩搭道衣歸
水壑香醅熟
烟崖早笋肥
功名無一點
何處更忘機
范仲淹寄西湖林處士詩
蕭索逸家雲
清歌獨隱淪
巢由不

願仕堯舜豈遺人一水無涯帶翠峰滿眼春何當伴閒逸
嘗酒過比隣 蔡襄經林逋舊居詩脩竹無多宅一區先
生曾是隱西湖詩言不喜膏封禪亦有遺書補世無山色
疑嵐木色清山雲常與水雲平先生來舉持竿手釣得人
間亢俗名 黃鎮成題林處士故居詩先生勝處得孤山
小艇沿湖日往還自愛烟霞居物外豈知名姓落人間鶴
無過迹苔痕老梅自開花月影閒表
墓有銘祠有奠高風千載更廉頑

徐復故宅 徐復號冲晦處士宋仁宗朝召見賜號而歸

杭州萬松嶺是其故廬也時和靖處士尚無恙湖南湖北

隱廬相望一時稱二處士

避暑錄話

予嘗館于冲晦之孫切切

之居卽冲晦之故廬也有一菴岩巖于萬松嶺之上東望

江西瞰湖湖之曲正與孤山相值冲晦以數學顯時士大

夫皆宗之嘗謂切日子孫世世不得離錢塘以錢塘永無

兵燹也

北憲錄

復卒十餘年沈邁知杭州勝其居曰高士

坊

南豐類稿

郎簡訪徐冲晦詩湖上訪高士徑深行綠

苔應聞山犬吠知是野人來岸噴出相接柴門自爲開

林間清話久薄暮傍舟回

蕭宗孟題徐冲晦處士舊隱

詩冲晦先生不肯官布衣謁帝布衣還尚嫌姓氏騰人口
惟恐文章落世間大隱不妨居市井高吟何處
問家山平生寄意江湖上雲自無心水自閒

楊蟠故宅

在錢塘湖上蟠晚罷永嘉郡歸浩然有挂冠

之興每從賓親乘月泛舟使二笛婢侑尊悠然忘返人羨

其清逸

泊宅編

蘇軾楊公濟莊賞梅花詩春入西湖到

遠花路迷芳草抱山斜盈盈解佩臨湖浦脈脈當

墟傍酒家湖面初驚片片飛尊前吹折最
繁枝何人曾得春風意怕見黃梅細雨時

余知閣故宅

建雲栖寺時掘地得斷碑題曰宋隨龍余

知閣宅界石間隱隱有詩蓋知閣護宋蹕南來因家于此

後捨爲寺想見其人高士也

雲栖紀事 釋殊宏掘地得石有詩以意補葺三首幾年

魂繞浙城西十里荷花漾錦陂踏福兩峰三竺路又隨青
嶂入雲栖千里旌旗擁六飛投管欲上釣魚磯無端忽被
閒雲引迴羅峰前掩竹扉洛邑名園歌舞沉亂鴉啼破幾
黃昏何人學得香山老子戴精廬有梵音

鮑當故宅

先子至杭剡小剛清波門外有詩云安得斷

茅環堵地漁樵終老繼清風蓋是圃乃鮑當郎中故居鮑

有詩曰清風集故有繼清風句

泊宅編

朱墅

在靈隱山梁隱士鹽官朱世卿之別墅

咸淳志

褚莊

在龍井金鐘峰下相傳漢末褚族舊居于此

錢塘縣志

養魚莊

在柳州楊郡王府

武林舊事

按宋史言鄭清之賜第西湖之漁莊應卽是處

瀛嶼 在孤山四聖觀西舊有涼堂累朝皆臨幸理宗書

其顏曰瀛嶼淳祐十二年建以爲西太乙宮遂更創新堂

于此而奉御扁其上行在所錄 姚勉瀛嶼詩自是瀛州近帝鄉孤峰宛在水中央地雄海上

三山境天與仙家六月涼雲母屏寒蒼檜色木晶舊改碧湖光雪中來此尤須別好著珠簾棹玉航

江湖偉觀 卽觀臺舊址盡得江湖之勝武林舊事淳祐十年

改建其上更創兩亭直至山椒西湖百咏引寶叔塔山壽星寺

西陟磴而上爲江湖偉觀今則磴道不復識矣遂昌雜錄蘇軾觀

臺詩三界無所住一臺聊自寧塵勞付白骨寂照起黃庭殘夢風中嫺孤燈雪後青須防戲童子投藥犯清冷趙

希聲江湖偉觀詩華屋巋然占上方一尊同此寄相羊江潮翻海暮天瀾湖水泊堤齊草長莽莽越山凝紫翠搖搖

蘇柳間青黃歸鴻影裏闌干晚回首中洲入渺茫范仲淹題江湖偉觀詩西湖何處好消愁快上人闌百尺樓干

里山川浮王氣百年形勢壯皇州通仙宅近梅應古坡
老祠荒竹自秋立遍闌干無限量六橋歌舞瀨回頭

萬花小隱

謝府園在北山路掃帚塢

武林舊事

小暘谷

清湖左藏庫火禁清寒非人間有也而庫官孔

仲石段季承史伯載心匠天巧煇一火閣不薪不炭暖亦

非人間有予以小暘谷名之

誠齋集 楊萬里左藏西廡下紙閣負暄戲題詩水衡仙

客住冰天雪嶺風餐更禁烟不是移來小暘谷老夫凍折兩詩肩

鄴公菴

天福二年吳越王建院名資嚴大中祥符元年

改額普圓古跡有石筍白沙泉熙寧元年諫議大夫祖無

擇出守杭州愛石筍之勝僧雲知等結草爲菴取公封國

爲名曰鄴公菴元豐間趙獻公題名菴內

咸淳志

左右金漆

板扉皆趙清獻蘇秦陳黃諸賢留題及文與可畫竹張總

持父子吳傳朋等題字甚多歲久暗淡猶隱隱可見

武林舊事

釋雲知鄴公菴詩呼猿澗西藏石筍丹桂蒼松達鸞嶺幾年陳迹絕塵埃一旦佳名出清景山家時喜來五馬相攜欵曲空巖下遂許誅茅結小菴異日功成伴瀟酒菴成可以資靜觀目前直見江湖寬鄴公政闢肯頻到試茶笑傲浮雲端物外似忘軒冕貴此中深得林泉意野人陪着病維摩游戲自同方丈地芳猷從此流千載且得而今光

東坡菴 在錢塘西六里咸淳志東坡于六一泉之後鑿

巖室自名曰東坡菴

大清一統志

方圓菴 辨才歸老龍井之山結廬曰方圓守一菴爲文

記之米南宮書于石

胡敬碑跋張雨獨遊龍井方圓菴僧照請觀五賢二開士畫像詩獨尋

招提游果得世外歡昔賢所柄集畫像藏屋端山僧啟鎖
魚不待啜茗乾脩廣各異製精采俱生完堂堂蘇長公英
氣逸難干筇杖紫道服天風吹袖寬清獻薄鬚眉示我鉄
肺肝尚餘所施物片石摘而寒侍郎胡金華高插侍中冠
眉間可容掌手板出中單穎濱與淮海秋色亞層巒參寥
獨緇衣頰鬚苗茅菅最後辨才師文茵高座安空山一室
內舉目皆龍鸞再拜傾擎壺喜極重怨酸去之三百載歸
路何漫漫斯人爲列星下視衆何繁寧不念學子道術救
凋殘抵舍亟摹貌徵哉難控
傳夢中倘可遇展詩時一觀

燕壁山房 金應桂號燕壁宋季嘗爲縣令入元隱居風

篁嶺築室曰燕壁山房左弦右壺中設圖史古器客至撫

摩諦玩清談灑灑不休每出山幅巾鶴筆望之若神仙然

佩楚軒客談 仇遠贈金燕壁詩黃紙紅旂事已休莫思
人谷有鳴鷗天開東壁圖書府人立西湖烟雨樓林淺易
尋和靖隱菊荒空憶魏公遊客來
把玩新題扇半似鍾繇半似歐

响嘍山房

靈隱澗西李元昭結廬于此

萬歷靈隱寺志沈明臣响嘍

山房詩吳越新投社山中覓故侯白雲僧借榻黃葉客登樓月出境逾靜溪深水自流翻憐鐘磬發破此一林幽

楊氏山居

楊瑀在太史時上詢其鄉土對以西湖葛嶺

之勝御書山居二字賜之因自號山居

錢塘志補

余山居寶雲

山上元統間余嘍山爲浙江儒學提舉寫春帖付男坵真

山居云官依東壁圖書府家住西湖山水間

山居新話

南屏山居

在高士塢卽孫太初卜居處

萬歷錢塘縣志孫一元新卜

南屏山居詩二首石上簾羅對夕曛解衣長日坐來頽攬

回滄海真無計領畧青山台有人養鶴自添雙口累爲漁

又過一生身相逢惟是南屏老獨對柴門許結隣道人占

斷南屏景十里青山帶郭斜對水柴門通鶴渚隔林烟火

是漁家岩頭老檜占風雨石上蒼蒲閱歲

華粧點太平還著我棕鞋桐帽送生涯

龍泓山居 宋方圓菴遺址

龍井志

藕花居 洪武中淨慈僧廣行建行以博學徵修大典歸

老于此林亭幽雅開傍湖濱長夏荷舒清馥滿室

西湖游覽志

舊在雷峰下西湖之濱隆慶元年高文端儀建墓徙于應

真殿北內有香界慧日軒

淨慈寺志

王守仁藕花居詩

花開共君醉卧不須扇自有香風拂面來

陳鳳藕花居詩

十里荷花過眼新水風猶是起香塵明年還約看花伴來喚湖邊

雪藕人

南山小築 在雷峰明李流芳寓居有清暉閣

西湖志李流芳小

築看花偶成詩自公隄畔烟湖空四月未盡荷花紅兩湖蕩漿無一朵小築已見千花叢昨日梅雨天多風風翻雨打花龍鍾今朝日出方照耀半晴半陰態逾工君不見雷峰倚天似醉翁霧樹欲睡紛矇矓此花嫣然向我笑怯怯

新粧出鏡中新粧美人正可喜笑而不來情何已且拚一斗醪
醉翁此翁情淡如烟水又小築清暉閣晚眺詩林岫生
烟水起風湖山一抹隱雷峰吳歌
四面漁燈亂坐到南屏罷晚鐘

水竹院落 在孤山西冷橋南賈似道別墅理宗御書奎

文之閣閣之下爲堂曰秋水觀前枕湖濬左挾孤山右帶

蘇隄波光萬頃與闌檻相直無所障礙又有道院舫亭等

傑然爲登覽之最

咸淳志

似道于西冷橋之外架樓臨之曰

第一春梅塢

宋稗類鈔

水南半隱 先人始居王城渡子橋淳祐丙午遷養魚莊

丁未遷長橋扁其廬曰水南半隱作水南半隱記

心史鄭思

肖父震字叔起號鞠山翁淳祐道學君子有鞠山詩集

蘇姑

志 鄭震卜居詩久欲謀歸力不任浮雲踪跡漫巢林功名未入屠龍手貧賤常懷買鶴心月下開門微雨過樓頭聞笛二更深世間萬事俱陳迹空倚西風閣古今

山舟 貫雲石元仁宗時官學士稱疾還江南賣藥錢塘

市中結廬龍華山寺有扁曰山舟雲石所書

天能寺志

雲巢 葛嶺寶雲寺有雲巢今不存

咸淳志 釋道潛雲巢詩三首 環湖相望

百招提高棟層軒亦屢躋未若道人基構勝闌干清與白雲齊九江秀色可攬結謫仙愛彼巢雲松寂莫風流三百載此軒奇觀躡前踪碧瓦未覺冠翠微樽葱佳氣繞窻扉人間塵土紛阡陌不到菴床燕坐衣 張雨雲巢樓詩初陽臺上白雲多雲裏層層玉樹柯栢息一枝綠穩未飛翻千仞奈危何雨中暮燕雷驚起峰頂笙鸞月送過好在丹梯無百尺屋頭看盡白鷗波

錢氏書藏 宋錢餘字呂父居九里松建傑閣藏書甚富

東坡榜之曰錢氏書藏

武林紀事

陶家廂 在留下禁酒牌後宋理宗朝有陶處士隱此水

竹桑田夫耕婦織有栗里之遺風

西溪梵隱志

八卦田 在城南天龍寺下中阜規圓作八卦狀俗稱九

宮八卦田

西湖游覽志

幼圃 蒲橋寓居庭有剝方石而實以土者小孫子莪花

窠菜本其中戲名幼圃

誠齋集

楊萬里幼圃詩寓舍中庭劣半弓燕泥爲圓石爲墻瑞香

萱草一兩本葱葉葺苗三四叢穉子落成小金谷蠅牛卜築別珠宮也思日涉隨兒戲一徑惟看蝶得通

水臺盤 曲水亭一名流杯亭有水臺盤在亭心

西湖百咏引

梅詢水臺盤詩鶴髮山中人疏泉鑿齒石如憑青玉棗分
透白雲液泠泠液離俎瑟瑟穿吟席醉坐三伏中須襟自

泊釋 陳旅次韻詩幽幽南山下中世有欽石窪尊絕制
度曲流泛醪液自鑑魂濯足臨深壤衽席惟應洗心者能

使百
慮釋

水磨 水磨頭在葛嶺路石函橋東

武林
舊事

萬尺筴 晉時錢塘有人作筴年收魚億計號爲萬尺筴

西陽
雜俎

鐵幢 便門外名鐵幢浦錢王築塘時高下置鐵幢凡三

以鎮壓潮水退則見其幢也淳祐戊申殿司買地置亭其

上
券梁
錄

鐵井欄 在錢塘縣西南六和寺南有赤蛟龍自井而出

錢氏鑄此鎮之刻八卦于上以象八方 大清一統
志

鐵窻櫺 在赤山殿司左軍寨內有洞高數尺舊有蛟龍

出入因鑄鐵爲窻櫺嵌石槽以拒之

成化舊志

智果法堂梁 元祐中蘇文忠公重建智果院法堂有題

梁二十一字慶元三年韓松命工摹勒今堂上有閣廼以

真蹟置之梁脊

咸淳志

韜光菴詩壁 菴中前後諸賢留題甚多舊有僧常于此

降仙請至釋子蘭以下十人凡七士三釋皆唐人能詩者

各書一詩語皆奇絕今詩尚存壁間

武林舊事

南禪寺梅屏 東山鮑家田有南禪資福尼寺寺中梅屏

甲行都高宗嘗令待詔院圖寫以進

北磧集

尊勝寺石柱 寺門外立四青石柱鑄鑿盤龍甚精緻上
猶有金彩銅鐘一口鑄淳熙改元會觀篆銘皆宋宮殿故

物也

各杭記

丹竈 天竺山下有葛仙翁煉丹井井旁有丹竈堂

輿地志

辟塵爐 在六通慈德院非木非石扣之錚然纖塵不染

錢塘縣志

大鍋 在淨慈寺梁貞明三年三月造

咸淳志

禁酒牌 西溪西南三里有宋禁酒牌昔高宗入山村酒

肆喜其供奉精潔御書界牌以賜日不爲酒稅處

萬歷錢塘縣志

印沙牀 晉天福間剎利禪師實達居羅隱寺達善持秘

咒時浙江水溢激射湖岸達誦咒止之自是潮擊西興而

杭州東岸沙漲數里今寺有印沙牀是其遺跡

名勝志

岳墳檜 明天順間杭州府同知馬偉鋸而植之以示檜

車裂狀號分骸檜至今猶活

舊浙江通志

江塘樺木 江濱有樺木營樺木橋攷之前史樺木日本

國所獻錢王卧巨石爲塘中貫以鐵大木爲樁後人修理
失時漸次剝蝕潮水衝激合抱大椿參天拔起土人或盜

木截爲器皿文理奇緻乃知卽昔所謂樺木也

神州古史攷

杭州府志卷二十五

古蹟三

仁和縣

錢江故縣 在仁和縣治北武林門內吳越割錢唐鹽官

二縣地置宋改曰仁和徙今治

大清一統志

臯亭城 臯亭山上有石城周迴十里

太平寰宇記

唐州治 唐治凡三一在餘杭舊志云開皇九年置杭州

治餘杭是也一在錢唐舊志云十年移錢唐是也一在鳳

凰山柳浦西舊志云復移柳浦西依山築城卽鳳凰山之

右是也遺址皆不存

萬歷舊志

白居易郡中卽事詩漫漶初平熙熙春日空闊遠江山

晴明好天氣外有適意物中無係心事數篇對竹吟一杯
望雲醉行携杖扶力坐讀書取睡久養病形骸深詰閑氣
味遙思九陌城擾擾趨名利今朝是雙日朝謁多軒騎寵
者防悔尤權者懷憂畏爲望高蓋車恐非眞富貴張籍
答白杭州郡樓登望畫圖見寄詩畫得江樓登望處寄來
今日到長安乍驚物象從詩出更向工人下手難將展書
堂偏覺好每來朝士盡求看見君
向此閑行意惜恨當初作外官

按隋楊素築州城移治柳浦之西在鳳凰山下吳越拓
其基遂闢山爲府南渡建行在更廣之

大清一統志并舊志皆屬仁和縣凡南宋以前州治及吳越置
府竝建炎後宮室例入焉

吳越國治 唐乾寧五年勅移鎮海軍于杭州爲治所從
王請也光化二年陞杭州爲都督府梁開平二年陞杭州

爲大都督府

吳越備史

在仁和縣鳳凰山右吳越王錢鏐卽杭

州治擴而大之名曰鎮海軍使院梁龍德三年建元帥府

開平元年始建國

大清一統志

羅隱鎮海軍使院記惟天子建國必推九牧九牧旣

序區分局署兩漢三公府有掾屬魏晉而降則置行臺若魏以秦王儀鎮中都高齊以辛術監治東徐州事皆行臺之任也其官屬則令僕以至尚書丞郎唐制出行臺而至採訪使殆今節制之始也鎮海軍舊治京口大丞相以錢唐之衆東戡漢宏西殲逆朗天子不欲易其土故自符竹四命然後移軍于錢唐生物以宜租賦以便斥去舊址廣以新規廓開闢闕拔起階級俾幢節之氣色魏武之出入得以周旋焉庚申年始開大廳之西南隅以爲賓從宴息之所左昇飛樓右劇嚴城地聳勢峻面約背厥肥楹巨棟間架相稱離煥之下朱紫苒苒非若越之今而潤之舊也疆場之事則議之于斯聘好之禮則接之于斯生民之疾痛則啓之于斯軍旅之賞罰則叅之于斯非徒以酒食駢羅而語言嘲諛者也其府屬以下或入都舊將或從公于征或稟之于朝廷或拔之于鄉里故天子用清官傳道之

選以佐之輒教民論道之任以副之其餘省秩卿曹職領
相次自我朝藩服官屬之盛無加也噫大丞相之勲德既
藏之天府而攀麟附翼者非鐫刻碑石其可久乎是年冬
十月始命觀察判官羅隱爲記徐一夔吳越國致吳越
國在杭州鳳凰山下宋致和二年孫沔守杭蔡襄爲沔撰
雙門記內云吳越王依山阜以爲治而雙門置木石錮金
鐵用爲敵備沔以爲非禮制改作之則錢氏宮室在鳳凰
山下無疑高宗南渡駐驛杭州徙州治于清波門內今州
治是也宋南渡卽其地爲行都故後人但知有宋故都而
不知有錢氏耳初錢氏以強弩射潮築堤捍國而以鐵幢
識其射處以今驗之去鳳凰山僅二百餘步此足爲證錢
氏當五季標有兩浙八十餘年亦頗有功德于民詢之故
老已不知其建國之處弔古者無從質焉吳越
舊有備史今亦不存因修志補其闕畧云爾

吳越宮室 梁龍德元年稱吳越國王更名所居曰宮府

曰朝

五代史吳越世家

居殿曰握髮曰仁政有仙居堂忠獻王卽

位處天冊堂忠遜王卽位處又有都會堂功臣堂思政堂

武功堂大慶堂瑤臺院疊雪樓碧波亭

大清一統志

哇嘉

越宮殿故基同查王望作三首故國離宮起暮鴉蒼茫烟
鷺帶平沙百年霸業空陳迹游女還歌陌上花晨鐘夕磬
散晴烟古寺空山不計年寶大字殘春蘇合石幢長對夕
陽前羣山東盡怒潮回會向胥門射弩來千載英雄自相
望孤城一片碧雲開

按吳越宮室之見于備史者更有天寵堂綵雲堂麗春院
咸寧院義和院青史樓天長樓玉華樓南擊場又都會堂
卽八會亭中和堂卽閱禮堂

北宋州治 舊治在鳳凰山之右自唐爲治所中興駐蹕

因以爲行宮而徙建州治于清波門北淨因寺故基

咸淳志

南宋故宮 建炎三年閏八月高宗自建康如臨安以州

治爲行宮制度皆從簡省不尚華飾

宋史地理志

紹興元年詔

守臣措置草創有旨僅蔽風雨足矣時修內司乞造三百

間詔減二百二十嗣後有營建率因事立制務在簡朴列

朝相承罕所增益

行在所錄

南宋宮殿之制文德殿謂之正衙

垂拱殿謂之常朝紫宸殿上壽御焉大慶殿朝賀御焉明

堂殿宗祀御焉集英殿策士御焉此四殿卽文德殿隨事

揭名非專建也後殿有四崇政殿一名祥曦福寧殿寢息

之所復古殿燕閒之所延和殿在垂拱之後遇齋戒御焉

選德殿孝宗建以爲射殿理宗闢以爲講殿熙明殿度宗

改東宮之益堂爲之而講筵延閣竝在禁中至于東宮初

無定制如孝宗之資善堂度宗之益堂皆在禁中遂以爲
就學之地又有欽天孝思二殿以奉神御則仍東都之舊
制南宋行宮攷故都殿名又有曰明華清燕鷹福慶瑞需雲符

寶嘉明坤寧穠華慈明慈元仁明勤政清華堂曰翠寒澄
碧觀堂芳春凌寒鍾美燦錦燕喜靜華清賞稽古清遠清
徹澄碧藥淵環秀文囿書林華館衍秀披香德勤雲錦清
霽瓊姿碧琳凝光澄輝繡香呈芳會景正始怡然信美齋
曰損齋翼齋謹習燕申樓曰博雅觀德萬景清暑清美明
遠倚香閣曰清華凌虛清漏倚桂來鳳觀音芙蓉萬春臺
曰宴春秋芳天開圖畫舒嘯路臺軒曰晚清閣曰清華容

思怡眞容膝受釐綠綺亭曰清泳清趣清暉清顯清迥清
隱清寒清激清翫清興靜香靜華春妍春華春陽春信融
春尋春映春餘春留春皆春寒碧寒香香瓊香玉香界碧
岑澗碧瓊英瓊秀明秀深秀衍秀濯秀錦烟錦浪繡錦萬
錦麗錦叢錦照粧浣綺綴金綴瓊穠香暗香晚節香巖香
雲岫映波含輝達觀秀野凌寒涵虛平津眞賞芳遠垂綸
魚樂噴雪流芳芳嶼玉質此君聚芳延芳蘭亭激湍崇峻
惠和浮醴泛羽凌穹迎薰會英正巳丹輝凝光雪徑參月
共樂迎祥瑩粧植杖可樂文杏壺中天別是一家春園曰
小桃源杏塢梅岡瑤圃村庄桐木

武林舊事

元至元十四年宋

宮室悉燬于火後西僧楊漣眞伽請卽故宮址建報國寺等五寺至正之亂五寺亦廢

大清一統志

宋諸閣 列宗皆有閣以藏御製御書圖籍寶瑞等太宗

閣曰龍圖眞宗曰天章仁宗曰寶文神宗曰顯謨哲宗曰

徽猷徽宗曰敷文高宗曰煥章孝宗曰華文光宗曰寶謨

寧宗曰寶章理宗曰顯文惟太祖英宗無御集故不設閣

建炎以來朝野雜記

中興後惟天章一閣以藏祖宗御書故行宮大

內之後萬松嶺有地名天章閣

魏郊錄

宋殿司教場 在鳳皇山八盤嶺最高處爲冲天樓極江

海湖山奇偉之觀

夢梁錄

殿前司爲親軍護衛之所俗稱御

教場者此也

西湖游覽志

鄭善夫登御教場下望故宮

詩萬峯雲木鬱蒼蒼古壘仍存闕武場南渡關河雙眼盡中原風物百憂傍尚傳草莽開黃屋想見龍蛇繞御牀往事只今俱灑淚兩階千羽意何長

按此外又有白石茅灘教場龍山教場並見玉海今惟

殿司遺址尙存因標舉焉

仁和尉司舊廨

在艮山門外范浦鎮市紹興元年正月

尉高公泰建

咸淳志

半道紅

在北郊舊植桃花之所凡數里

吳越備史

雙門

吳越錢氏之子城北門宋至和初守孫沔重建

成化

舊志 蔡襄雙門記杭于二浙爲大州提支郡數十而道通四方海外諸國物貨叢居行商往來俗用不一自錢氏專有吳越治兵蓄財日爲戰守朝廷除刺史以來蓋八十年其風俗治迹有足稱者要之起廢弊變絲習斯亦難矣

至和元年資政殿學士給事中孫沔自樞密副使來撫是
邦數月之間遠近竦動迎向公訓公知衆之已悅也隨所
譬喻勉之于善秋八月語其僚曰諸侯臺門以高爲貴蓋
以尊天子所命而示等威也昔錢氏倚山阜爲治所而雙
門置楹木鋼金鐵用爲敵備今方內統平吾爲守臣于以
道化而流澤每大號令從官屬陳兵校會州之士民卽門
內張次班列而布宣之門圯而地狹又非禮制豈所以重
方面之體乎吾將易而新之卽以其說謀之轉運使資以
羨錢又詢之于民良家大姓願以力助于是商其用而裁
取之凡金埴竹木之材必可其高暨陶蓋梓之工必當其
庸十一月甲戌興作明年五月訖工十有五曰壬申合樂
燕飲以落之至于下邑旁郡攜扶老幼闕溢郭郭相與觀
聽指是巍然者曰上之命令由是而出下之情僞由是而
入一有不誠重爲門羞吾屬戒焉是年襄出刺清源州人
遮余而言曰我公之爲治固有聞于執事矣始者革弊屏
惡人畏其明已而拊養鰥寡教勅子弟及其治成市井兒
童不收落錢田豐海晏人得其職公作雙門我實爲之公
歸有時我思無窮願爲紀所作之實而刻之石庶益遠不
忘初公定邕廣冠還請蒞杭上以其遜而不伐名升宥密
未幾以直議不能與衆合遂伸前請至則勵精夙夜不以

宴息自處其進退忠義之節與所施爲若千里之績固不足書然州人過余再三稱頌慙慙不書無以慰其志孔平仲雙門詩崔嵬城闕倚雲端萬里天風襟袖間更有清涼無限意坐看飛雨出南山

按雙門與子城有間應從府第例載

西園 在舊州治

姚合詩集

姚合郡中西園詩西園春

使君密林生雨氣古石帶潮紋雖去清秋遠朝朝見白雲

鄭家園 在艮山門外咸淳志云姚店翁塔麥莊等橋竝

在鄭家園後今麥莊橋南爲鄭家橋姚店橋南爲鄭家壩中有村曰花園堯故老相傳云宋國公園其麥莊卽國公屯麥之處攷宋史鄭興裔封榮國公其早年有請于行在立義莊贍宗族事差足爲証蓋花園堯卽鄭家園遺址但

其園蒔蔬麥非花園耳

良山雜志
糖多古意耕

戴敏鄭公家園詩門
釣作生涯菽米數魚

子蓮根拔虎牙弄孫時擲果留客
旋烹茶頗動詩人興滿園蕎麥花

班荆館 在仁和縣赤岸港

乾道志

大率北使至闕先遣伴

使賜御筵于班荆館酒七行翌日登舟至北郭稅亭茶酒
畢上馬入餘杭門至都亭驛正月朔旦朝賀六日朝辭次
日乘馬出北關門登舟宿赤岸又次日復遣近臣押賜御

筵

宋史
禮志

虛白堂 在舊州治唐刺史白居易有詩刻石堂上後爲

錢氏都會堂

大清一統志
白居易虛白堂詩
虛白堂前
衙退後更無一事到中心
移牀就日簷間卧

臥詠閒詩側枕琴
李鄂宿虛白堂詩
秋日斜明虛白堂
寒蛩唧唧樹蒼蒼
江風徹曉不得睡
二十五聲秋點長

趙抃虛白堂詩松蘿瀟灑似居山賓退公餘
半是閒誰謂樂天虛白意只傳詩句落人間

功臣堂 天祐二年十一月武肅王建功臣堂于府門之

西樹碑紀功仍列賓僚將校勅賜功臣名氏于碑陰凡五

百人

吳越備史

武功堂 天福七年十二月以龍山武功堂爲文穆王廟

吳越備史

翠寒堂 在宋大內孝宗建

武林舊事

堂以日本國榑木爲之

不施丹雘白如象齒嘗召趙丞相雄王樞使淮奏事堂下

古松數十清風徐來上曰松聲甚清遠勝絲竹子瞻以風

月爲無盡藏信哉

建炎以來朝野雜記

禁中避暑多御翠寒堂前

長松修竹蒼翠蔽日寒瀑飛空下注大池可十畝池中紅
白菌萑萬柄蓋園丁以瓦盆別種分列水底時易新者又
置南花數百盆于廣庭鼓以風輪清芬滿座初不知人間
有塵暑也洪景廬學士嘗賜對于翠寒堂當三伏中體粟
戰慄上問故笑遣中貴以北綾半臂賜之境界可想見矣

武林舊事 史浩和御製翠寒堂詩禁禦慈慈擁瑞雲雄
樓傑閣環金碧花光草色媚芳辰鳳輦從容惟所適中有
虛堂玉作楹冰雪玲瓏周四壁不知跬步是瑤臺何須入
駿殷勤覓青松萬箇拱簷牙生香不減芝蘭室更欲相看
飽歲寒疎梅瘦竹爲三益吾皇土木未嘗興爲詢
此景從何得神運元從德壽來天成豈假人工役

觀堂 後苑一山崔巍作堂爲上焚香祝天之所理宗時
吳知古掌焚修每三茅觀鐘鳴觀堂之鐘應之則駕興隨

陳

應宋行 杭州故內觀堂前有太湖石臥峯坡陀甚大其中

鑿爲泓陀相傳云思陵滌硯具也

研比雜志

中和堂 在鳳凰山舊治本錢王閱禮堂至和二年郡守

孫沔建更名中和建炎三年高宗臨幸改爲偉觀旣移改

府治仍以名堂嘉定六年安撫趙時侃再建

咸淳志

堂北有

清風亭御題其檻云斯堂偉特之觀無異上都後因改堂

爲偉觀聖意駐蹕蓋決于此詩

四朝聞見錄

李壘中和堂記杭瀕浙河雅爲東南

一都會民物殷富山水清美歷唐至五季錢氏所據傳三世閱七紀我宋受命守吏卽王宮爲居棟宇宏敞他郡莫及始錢氏作堂名閱禮至和中威敏孫公沔來守更飭治之易名中和守居負鳳凰山堂跨山憑高蘇文忠公嘗謂下瞰海門洞視萬里觀覽之傑可想建炎初高宗南巡登斯堂賦詩八十言奎章膚藻流于人間尋易名曰偉觀紹

興停鑿浚久因其地翔行宮而守扉遂徙于游波門之北
今所治是也惠國趙侯被命尹政之明年網舉日張民情
疾和願解處關失官守崇密之體侯曰此勿可已也乃
撤廢屋疏朽壞築八十四堵爲堂三十七楹獲采舊名勝
曰中和人徒見其堂之成而不聞其費且勞嘆其室之美
而不知其意有所寓余嘗造侯娶余觀焉雖無異時凌虛
鷺遠環異絕特之觀然華欄邃宇修欄曲檻崇廣觀深亦
足以掩雅思而滌煩襟視故有所推本侯名時侃字仲和今
賢之義而施于政事者將有所推本侯名時侃字仲和今
以司農卿兼知府事云宋高宗孟夏壬戌登中和堂遠
賜稽山俯睇江濤賦古詩一首六龍轉淮海萬騎臨吳津
王者本無外駕言蘇遠民瞻彼草木秀感此瘠瘠新登堂
望稽山懷哉夏禹勤神功既盛大後世蒙其仁願同越句
踐焦思先吾身艱難務進養聖賢有屈伸高風動君子屬
意種蠹臣蘇軾詩予前後守倅杭州凡五年夏秋之聞
蒸熱不可過獨中和東南頰下瞰海門洞視萬里三伏常
蕭然也紹聖五年六月舟行赴嶺外熱甚忽憶此處而作
忠孝王家千柱官東坡作吏五年中中和堂上東南頰
有人間萬里風趙抃中和堂詩老來重守鳳凰城千
里人心未易平樂職古賢形嘆頌中和終不爲虛名

清暑堂

治平三年郡守蔡襄建在州治之左并撰記及

書刻石堂上

乾道志

蔡襄清暑堂記杭于吳爲一大都會其地傾而屬海又多陂池以故苦濕方春

夏時梅雨蒸鬱礎甍皆汗披纖衣覆大厦猶鼻息奄奄不得曠快非有高明之居易以禦之于是清暑之堂作焉清暑負州廨之左直海門之衝其風遠來灑然薄人日決事佚而忘勞至者莫不悅之或曰昔名伯將營名而居重愛民力暴處遠野廬于甘棠之下今斯堂也度面勢揭崇宇前有江海浩蕩無窮之勝潮濤早暮以時上下奔騰洶湧蔽映日月雷霆鼓駭方輿動搖浮商大舶往來聚散乎其

中朝霞夕景不續而彩翠旁走羣山濱山而湖崖陳瀾漫巖岫萃律岌乎河漢之上蒼烟白雲少頃萬變茂林香草冬榮不凋此所以娛君之視聽也及夫夏日比室煩燠方且披軒閣據高涼放浪于無何翺翔于至極蕭然而自適或賓友環次鳴管撰瑟釀酒均餌歌呼瞑醉此所以憚君之心意也于民乎何有豈不與昔人廬于遠野者異哉余謂之曰惟人之情不得其適則慌然余于是室也愈吾疾亦于是休吾心焉體康志寧然後究民之不至而教之度民之所有而用之去其所不願就其所便安如得其平于

爲惠也亦大矣乘其間也燕賀朋接和好是亦爲政也遂以其說爲清暑堂記趙抃清暑堂詩江上潮音曉暮聞天饒風月地無塵自誇清暑堂中景容得衰翁未退身

雙檜堂

在鳳凰山舊治

錢塘縣志

東坡帥杭一日與徐璠坐

雙檜堂上指檜吟曰二疏辭漢去以兄弟皆補外也璠對

大老入周來

泊宅編

傳經堂 在塘樓卓氏三世讀書處舊在市東今其孫天

寅移至官塘并築石坊旌其母節

仁和县志

王士正傳

崇鑿蹄騎馬嘶江東昭陵玉匣出隨道鴻都秘策飛秋蓬
小作膳囊大帷蓋石牌三體皆磨礮解經無復戴侍中說
易亦少能陽鴻卓家世德不可紀侍郎體國真公忠巢傾
卵破梅不早曲突徙薪誰爲功革除事往三百載至今化
筆千長虹聞孫抱經隱茗雲千秋人識梁邱翁明堂清廟
列球共深山大澤藏蛇龍我慕蓋淵生苦晚晚及孫子相

追從雄才能盧五石張大力欲挽千鈞弓桓榮稽古累數
世郎君人地將無同照氏鼓琴有妙理誰云但以文論終
至尊通經過漢代會閑東觀臨三雄白虎諸儒考同異如
懸大鏡鑑洪鐘即君攝衣作都講雅歌殿上何雍容野夫
窮經不得力坐使伊季傷瘡聾他
年登堂問章句五湖帆影隨樵風

損齋 高宗開殿廬側爲遊息之所取用損持盈之義勝

曰損齋紹興二十八年十一月出內札以新刻石本損齋

記賜羣臣

朝野雜記 宋高宗損齋記嘗謂當天下之正

神疲意志而不知止廣宴遊事不急膠膠擾擾莫收其放

心顧能回光抑損之道豈不較然有感于斯且漢唐之君

樂道爲切而未燭元覽武帝以雄心驕武天下豎然非用

損以待盈也明皇以侈心委信助惑內嬖非知損以守位

也推原本指俱失滿戒茲鑒往事夕惕以思凡追逐時好

一切長物率屏去不復經意几案間但有書史商確古今

豈撤無益示不貴之化其于蕩心侈目者罔不埽除清心

寡欲省緣薄費者奉以周旋焉不則染毫弄翰真事自如

濃淡斜行茂密惟意第于筆硯間有未能忘情似賢乎已
夫乾坤之道易簡也易簡則天地之理得矣傳曰器用不
作車服從給信斯言哉宵旰餘暇乃闕殿廡之側明窗靜
戶爲遊息之所欣然撫前說勝曰損齋朝夕清燕視以自
警庶幾損德之修自
奉養有節式稽于訓

南亭

在舊治內

長慶集白居易南亭對酒送春詩含
桃實已落紅薇花尚熏冉冉三月盡晚

鶯城上聞獨持一杯酒南亭送殘春半酣忽長歌歌中何
所云云我五十餘未是苦老人刺史二千石亦不爲賤貧
天下三品官多老于我身同年登第者零落無一分親故
半爲鬼僮僕多見孫念此聊自解逢酒且歡欣姚合題
杭州郡齋南亭詩舊隱卽雲林思歸日日深如今來此地
無復有前心古石生靈草長松棲異禽暮湖簷下過澆浪
濕衣襟鄭巢陪姚郎中登郡中南亭詩雲水生寒色高
亭發遠心雁來疎角韻槐落減秋陰隔石膏茶坐當山抱
瑟吟誰知瀟灑
意不似有朝簪

錢塘府亭

錢武肅王建

羅昭諫集羅隱錢塘府亭詩
新恩別啟館姓宮還拜吳王向

此中九牧土田周制在兩藩茅社漢儀同春生舊苑芳洲
雨香入高臺小徑風更有寵光人不見問安調膳盡三公

八會亭 武肅王建亭于虛白堂之基曰八會亭以平吳

定越講武計議凡八會于此也已而更名都會亭

吳越備史

巽亭 慶歷三年郡守蔣堂于舊治之東南建巽亭以對

江山之勝崇寧三年蔣之奇作詩紀其事

乾道志

政和元年

張閣徙亭以其址造雲濤觀

成化舊志

亭詩公自登臨闢草萊赫然

危締壓崔嵬涼翻簾機湖聲過清入琴樽雨氣來疇昔登
臨何處好平生懷抱此中開東南地本多幽勝此向東南
特壯哉 蘇軾次韵詹適宣德小飲巽亭君方夢謫仙我
亦弔文園江上同三黜天涯又一樽晴雷殷白晝梅雪耿

黃昏歸路多情
雨應隨御史軒

曲水亭 在鳳凰山舊治治平中守沈遵建

咸淳志

清風亭

在中和堂側直望海門

乾道志

一作清風閣

萬歷志

趙抃題杭州清風閣詩庭有松蘿砌有苔退公卽此遠塵埃潮音隱隱海門至泉勢潺潺石縫來夜榻衾調仙夢

覺曉窗燈火佛書開休官不久輕舟去喜過嚴陵舊釣臺

棹亭

與地志在仁和縣南五里今爲浙江亭

大清一統志

浙江亭在錢塘縣治南到縣一十五里

乾道志與杭州薛司戶登

棹亭樓詩水樓登一望半出青林高幕英僚傲傍筵下客切山藏伯禹穴城歷伍胥濤今日觀溟漲垂綸欲釣鰲

張祐題棹亭詩曉鬢憑虛檻雲山四望通地盤江岸絕

天映海門空樹色連秋靄潮聲入夜風年年此光景催盡

白頭翁白居易宿棹亭驛詩夜半棹亭驛愁人起望鄉

月明何處見潮水白茫茫許渾九日登棹亭驛樓詩驢

與尊羹西風片席輕潮回孤島晚雲歛衆山晴丹羽下

高閣黃花垂古城因秋倍多感鄉樹接咸京汪元量浙

江亭和徐雪江詩朱薨安兀倚雲寒潮打孤城寂寞還荒

草斷烟新驛路夕陽古木舊江山英雄聚散闌干外今古

興亡歎乃間一曲尊前空
擊劍西風白髮淚斑斑

按輿地志浙江亭浙江驛隸仁和

紅亭 外沙河自竹車門北去繞城東過紅亭稅務 咸淳志

雲錦亭 南宋建在臯亭山半亭屬崇先寺也 思古堂集

環翠亭 在臨平山勝因顯報院 郭北三山志 釋德洪

首遙知與客登臨處看得雲山到落暉四柱小亭清入畫
萬竿寒玉碧成圍一身高節清癯老四座飛簾寒影間門

外黃塵吹髮者有
誰見此坐看山

息耘軒 明初處士全斯立隱橫塘里以東田翁自號以

息耘號其所居之軒 艮山雜志

舊雨軒 仁和橫塘鍾慎字有言與從兄有文居室肄習

旦暮不相離名其室曰聽雨既卒子頊集其詩曰聽雨集

又自名其軒曰舊雨以志永思

夏時正鍾氏世德傳

琴鶴軒 新都徐晉逸購得王蒙琴鶴軒圖卷爲湯村錢

以良作運筆古朴設色淳厚種種皆可寶藏卷前有楊尹

銘篆署後有沈夢麟記釋法震董存等十詩皆真蹟

清河書畫

舫

雙清軒 東山壽聖寺物外上人所營也上人名崇超物

外其號也寺在杭州城東四十里湯鎮軒所儲無他物有

水一泓有竹一林上人曰與之爲徒故遂以名其軒書而

揭于軒者故翰林學士吳興趙公也

誠意伯文集

友梅軒

在臯亭山元末王昶隱居

郭北三山志友梅軒記臯亭之山劉基

有隱者焉以友梅字其軒環居皆梅也或曰友者人倫之名也君子以友輔仁人求其友必于人焉可也梅卉木之人得而友之乎生于世為人焉舍斯人弗友而卉木乎取之斯人也不既怪矣乎劉子曰否彼固有所激而云也夫彼所謂隱者也不同乎人而隱彼固自絕于世之人而卉木之爲徒也彼固以斯世爲不足乎已而隱以爲高彼固謂人不足與友而卉木我良友也彼誠有所激哉世之如管鮑者希矣刺于谷風嗟于桑柔憤于涓賈于寄累于灌夫蠅營狗苟于拜塵之人友之而不爲損者鮮矣哉人不可以無友彼將何所取哉梅卉木也有歲寒之操焉取諸人弗得矣合卉木而何取哉且此物非徒取也凌霜雪而獨秀守潔白而不汚人而象之亦可以爲人矣昔人有揖怒蛙而勇士至氣類以感之直諒多聞之友不遠千里矣然則斯人也弗怪矣隱者聞之曰子知予請書之遂書以記于軒隱者王其姓烈其名記之者栢蒼劉基也

清冷軒

佛曰淨慧禪院有清冷一擊等軒

乾道壬辰南歸錄司馬

蕉題清冷軒詩石冷苔生暈風高
竹度涼道人何處去春色半滄浪

萬玉軒

在獨山明初陸秉中隱居

郭北三山志

清暉樓

在舊州治唐郡守嚴維建

大清一統志

白居易詩嚴郎

中在郡日改制東南樓因名清暉未立標榜徵歸郎署予
既到郡性愛樓居宴遊其間頗有幽致聊成十韻嚴郎制
茲樓立名曰清暉未及署花榜遠催還粉闥去來三四年
塵士登者稀今春新太守洒掃施簾帷院柳烟婀娜簷花
雪霏微看山倚前戶待月闌東扉碧窗夏瑤瑟朱闌飄舞
衣燒香捲幕坐風燕雙雙飛君作不得住我來幸因依始
知天地間靈境有所歸

明遠樓

明遠樓禁中稱楠木樓賞雪多御此樓後苑進

大小雪獅兒並以金鈴綵縷爲飾且作雪燈雪花雪山之

類武林
舊事

按戴表元杭州佑聖觀記云觀地有明遠樓昔阜陵嘗
讀書其間以地按之似與此別

花樓 白居易有花樓望雪詩今不知所在故志皆不載

據蒲宗孟憶錢塘舊遊詩誤尋歸路認花樓自註云花樓

沙河勝處則樓故近沙河也

艮山雜志 白居易花樓望雪命宴賦詩連天際海白

燈好上高樓望一回何處更能分道路此時兼不認池臺
萬重雲樹山頭翠百尺花樓江畔開素壁連題分韻句紅
爐巡飲暖寒杯冰鋪湖水銀爲面風捲汀沙玉作堆絳
舞人春鬢曳勾留醉客夜徘徊輪將虛白堂前鶴失却
棹亭驛後梅別有故情偏憶得會經窮苦照書來

獄樓 東獄廟在仁和湯村鎮乾道間德壽行幸賜銀帛

建立獄樓淳熙三年有旨重修

咸淳志

黃鶴樓 在仁和縣黃鶴山巔今廢

萬歷舊志

燕思閣 在舊治後至和中郡守孫沔建取臨安淨土寺

立石七株置之閣前蒼然竒怪號七賢石元祐中郡守蒲

宗孟改名石林軒

乾道志

紅梅閣 在鳳凰山舊治石林軒側

咸淳志

蔡襄題治內小閣壁詩綽約新

嬌生眼底侵尋舊事上眉尖問君別後愁多少得似春潮夜夜添

芙蓉閣 內侍董宋臣盧允昇作芙蓉閣香蘭亭于宮中

進倡優傀儡以奉帝爲游燕

宋史賈似道傳

汪元量兵後登大內芙蓉閣詩粲粲芙

蓉開我登雙眼明手拊沉香闌美人已從征美人未去時朝理綠雲鬢暮吹紫鸞笙美人旣去時閣下麋鹿走閣上鷗鳥鳴江山咫尺生烟霧萬年枝上悲風生空有遺鈿碎珥堆玉案空有金蓮寶炬錯落懸朱櫺楊柳今青青芙蓉

今冥冥美人不見空淚零錦梁
雙燕來又去夜夜蟾蜍窺玉屏

天然圖書臺 禁中例觀潮于天然圖書高臺下瞰如在

指掌都民遙瞻黃緞雉扇于九霄之上真如蕭臺蓬島

武林

舊事

褚無量故宅 在仁和縣臨平山下寰宇記無量家近臨

平湖年十二時湖上龍鬪傾里巷觀之無量晏然不動

大

清一統

志

沈崧故宅 沈家塘在北關外吳越右僕射沈崧故居在

此因名

咸淳志

王蒙故宅 蒙字叔明白吳興徙杭其宅近黃鶴山因號

黃鶴山樵

嘉靖仁和縣志許交游迹已陳西莊依舊鎮松筠也知谷口烟霞趣造物應

凌雲翰題叔明山房圖詩畫

留待子真

平顯故宅

顯字仲微洪武中官廣西藤縣令謫戍嶺南

故居在北關門外之橫里地有仲墅洛山水名十二里漾松雨軒集中有句云萬頃水雲橫里北百年邱隴洛山陽又云藕花官漾十二里桑蔭鄰村數百家又云水竹空思仲墅村至今過之風景宛然惜先生之不能終老于是也

樊榭山房續集

胡世寧故宅

世寧仁和橫塘里人

許黃門集胡公神道碑

璞菴處

士迪端敏公所自出之祖也世居錢塘太平里後徙仁和

之彭家埠洪武初出贅橫塘沈氏遂挈家遷橫塘而居焉

四傳爲端敏公

姜南橫塘
胡氏家傳

臨平山墅 余聖唐山令臣也屏居臨平山墅亦有年矣

邱丹題湛長
史草堂詩序 陳郁誤腴載顧况訪邱丹詩有騎驢獨自來

山塢句又洪邁萬首唐人絕句有顧况臨平塢雜題十二

首蓋臨平塢卽丹所謂山墅韋應物詩所謂山居也

郭北
三山

志

韋應物送邱員外還臨平山居詩長柄白雲表暫訪

高齋宿還辭郡邑喧歸泛松江淥結茅隱蒼嶺伐薪響深

谷同是山中人不知往來躅靈芝非庭草遼鶴遠池鷺終

當署里門一表高陽族 又重送邱二十二還臨平山居

詩歲中始再覩方來又解携纒留野艇語已憶故山栖幽

澗人夜汲深林鳥長啼還持郡齋酒慰子霜露凄 邱丹

奉酬韋使君送歸山之作詩側聞郡守至特乘黃犢出不

別桃源人一見經累日蟬鳴念秋稼爾酌動離瑟臨水降

竄懂野艇纔容膝參差碧山路目送江帆疾涉海得驪珠
宿梧懶鳳質愧非鄭公里歸掃蒙籠室又奉酬重送歸
山詩賣藥有時至自知來往踈遠辭池上酌新得山中書
步出芙蓉府歸乘轂鯨車猥蒙招隱作豈愧班生廬顧
况臨平塢雜題詩十二首薛荔菴云薛荔作禪菴重疊雲
邊樹空山逕欲絕也有人知處芙蓉樹云風擺連衣乾月
背鳥巢寒文魚翻亂葉翠羽上危欄欹松漪云湛湛碧連
漪老松欹側卧悠揚綠蘿影下拂波紋破焙茶塢云新茶
已上焙舊架憂生蟻旋旋續新烟呼兒劈寒木彈琴谷云
谷中誰彈琴琴響谷冥寂因君叩商調草蟲驚暗壁白鷺
汀云蕪蘼汀草碧淋森鷺毛白夜起沙月中思量浦魚策
千松嶺云終日吟天風有時天籟止問渠何旨意恐落凡
人耳臨平湖云采藕平湖上藕泥封藕節缸影入荷香莫
衝蓮柄折山春洞云引燭踏仙泥時時亂乳燕不知何道
士手把靈書卷石竇泉云吹沙復噴石曲折仍負旋野客
漱流時杯粘落花片黃菊灣云時菊凝曉露華滴秋灣
仙人釀酒熟醉裏飛空山古仙壇云遠山誰
放燒疑是壇邊燠仙人錯下山拍手壇邊笑

別是一家春

宋度宗初亭宮中題曰別是一家春

武林舊事

小西湖

後苑芙蓉閣山下有溪一帶通小西湖溪上亭

曰清漣枕湖亭館曰水月境界曰澄碧

南宋行宮攷

禁中及德

壽宮皆有大龍池以擬西湖

武林舊事

鳳山書屋

在鳳凰山下蔣驥之居

成化舊志

解縉鳳

良夫家杭州鳳山之陰君素好蓄書自謂生平之樂在于讀書也乃以書屋記請余謂君僅以讀書爲念哉鳳山故趙宋之社也試與君登城闔而眺望則昔之崇臺傑閣金藤石室之藏皆灌木豐草之墟閭閻之居也以今視昔奚翅相什伯千萬哉然物理有廣崇而易壞淺鮮而長久者亦其勢也故江陵之烈談與砥柱之洪波興亡異世而漸盡則同汲郡之冢編魯堂之壁簡所蓄幾何而至今存者余知君之志不在乎積之多也今君之鳳山有書官舍有書積而能讀讀而能得得而樂之樂而用之是其積書又豈不多哉抑聞鳳山爲錢塘最勝常人之情必爲高臺廣榭以窮觀游臨眺之樂庶幾有以得其勝也今君則不然築室于此以讀聖賢之書志聖賢之學將期至于高明遠

大之域則夫宴遊登覽以流連光景者又烏足美哉于是
蔣君之志誠可尚也已并歌以記之翼翼華構錢塘之墟
鞞鞞瑞草鳳山之隅君子之居君子之書
於祭共儀千年一飛千載一時吁嗟鳳兮

竹居

在仁和槎溪村明初張輿故居

艮山雜志張昱
竹居詩爲張行中

題南渡循王之子孫文采風流今獨存既有綠筠爲別業
何須畫戟在高門小堂翡翠橫欒影曲逕莓苔散屐痕侍
婢牽蘿柘補葺幾
回風雨送黃昏

樂居

在獨山明初陳士寧隱居

艮山雜志士寧初居鹽橋七

寶巷後徙獨山

西湖游覽志餘

松隱居

在仁和洛山右

平松雨集平顯松隱記永樂
丙戌歸仲聖拜先壘于洛山之

下縻舟溪澗入單墳塢昔之樹植大抵蕩然于斤斧矣願
瞻右岡有松鬱如有亭翼如望而異諸扣其廬乃故人張
景祥翁松隱居也于與翁幼同里閉且同志邂逅驚喜白
首無恙綢繆話舊賦詩爲別越明年走書京師徵辭以誌

夫松貞心勁質直幹峻節當春芳紛蕤澹若無競含章抱素以養其正既而歲律之徂冰雪交沍則潔固不渝歸然挺手羣植之表故騷幽遜隱之所好樂也若服食而仙蔭景而泉撫而盤桓焉聆其風而欣然皆有以樂其天也翁與子俱爲故家暎達萬里歷兩星而終復合豈偶然耶俯仰陳迹觀昔之若春芳者舉皆隕獲感慨係之矣而翁天相其吉喬木敷榮畢婚了嫁家事不關尋歲寒之盟介南山之壽真有儀于松也豈浮慕其名而爲隱哉子目既昏厭煩喧方將長揖侯門乞歸故園守墟墓理邱樊治其已荒撫其猶存撥金粉之香酌瘦藤之尊求所謂同志者相與偃蹇堂壑纒蒼煮石以藥素嗜之癖因勿諼矣茲山有靈勿移文以截來轅也不敢辭記姑書以復

臯亭別業 天啟甲子子年五十將攜家武林有別業在

臯亭桃花塢中山水佳處也

檀園集

李長蘅好武林山水欲

移家入臯亭桃花塢時魏璫建祠西湖長蘅有詩云西湖

如沸羹寧以此易彼蓋從此決避世之志矣

西州合譜

月榭

聖果山月巖旁有月榭

西湖游覽志

雪洞

棲禪雪洞院在艮山門外元至正十二年僧時俊

作雪洞于此

成化舊志

釋宗泐雪洞詩雪洞團團白飄

愁冷春深未覺融不須
燈照夜定起月朦朧

盧家雪窖

在城東五里塘咸淳志附見橋梁卷行人橋

在盧家雪窖南是也按李詡戒菴漫筆冰以大雪收者爲
佳南宋遺風賣冰者皆叫大雪又按章綽雞肋編紹興壬
子冬大寒行在冰厚數寸北人遂窖藏之燒地作窖臨安
府委諸縣皆藏明年天中節供奉行宮有司大獲犒賚其
後臨安無冰勅建康收貯以舟載至行在是雪窖實卽冰

審其始設在紹興時不久遂以無冰而撤故咸淳志不專載周應合景定建康志載有雪窰四所與章綽言亦相應當時臨安府諸縣皆曾設窰此爲仁和縣窰周紫芝登竹閣見緋衣荷鍤人鑿冰收藏則錢塘縣之雪窰也

良山雜志

鮑家田 在東山衙北田上多種白蓮利溥于稻吳越相鮑君福賜田錢塘至今名焉有玉泉水流出灌溉

西湖百咏引

城東九里松 咸淳志云蔡官人河在良山門九里松又云樟木廟橋在城東九里松大路蓋宋時不獨靈隱路稱九里松也今自蔡官人河受源處抵樟木廟橋正合九里之數而松無一存名亦罕有知者

良山雜志

海寧州

鹽官故城 在縣西北四十一里周六百步高八尺隋大

業十三年築今廢

咸淳志引祥符舊志

唐永徽六年又築周回四百

六十步濠濶五丈深四尺今不存

嘉靖海寧縣志

管城 吳王築四城以禦越管城屬鹽官

至元嘉禾志

海寧縣

西北距石門縣界今有管城廟卽其遺跡

大清一統志

海昌都尉治

舊志有海昌城在今海寧縣南二十里古

海昌都尉治也

太平寰宇記

按許氏海寧志作海昌府治引宋圖經云海昌府周圍

五里高六丈闊五丈海昌府未聞所出宋圖經今不傳

恐屬傳訛

鹽官縣舊治 鹽官漢之舊縣宋太平興國七年始建治

于崇儒坊其舊處已不可攷

嘉靖海寧縣志

朱餘 朱餘者越鹽官也越人謂鹽曰餘去縣三十五里

越絕書

淳樸園 紫硤山人沈祐別業在西山南寺橋外有涵虛

閣芙蓉溪睡鶴峯柳塘渡藕花灣白鷗沙通樵徑杞菊圃

諸勝

硤川志 董淫淳樸園詩人稱愚溪愚吾愛樸園樸園翁太古心味亦甘淡薄抱甕復把鋤辛苦不自覺

十年夢華胥足不履城郭不知春去來但見花開落

借園

祝守範士瞻構在靈泉鄉

海寧縣志

海昌館 在鹽官縣北三百五十步舊名班宣嘉定元年

令潘景夔修更今名

咸淳志

清愛堂 在舊縣治內

嘉靖海寧縣志 郭知暉清愛堂詩清愛堂前竹色佳留烟帶月翠

橫斜日長吏散庭空
後風景蕭蕭對淪茶

綠遶堂 張橫浦名取一水遶田之句

咸淳志 在縣後圃

海寧縣志 陳申重修綠遶堂記予至海昌之二年既葺

故亭而新之榜曰仰高矣直亭而南有堂巍然上漏旁穿

不知廢于何時詢之里人張似之云綠遶之名得於橫浦

張先生蓋取土荆公一水護田之句風在職者使知農田

爲務特加修正以著遺範移植醱于後卽支木爲架敷

條舒蔓其下可坐十人餘則盡循其故春夏之交雲隴收

黃雪縑堆白稻田桑野葱蒨彌望主人休其心于觀相彈

琴不下坐見頴栗堅好之實邑民相與飽食而嬉里胥足

不及門賦輸告辦吏塞責矣若乃春月流天蕙風飄香合
杯促席酣歌醉舞則非先生所以命亭之意予恐有耽斯

堂之勝而以民事爲緩者故併書以記

晞梅堂

在海寧縣尉廨東今廢

萬歷舊志

于恕晞梅堂詩晞梅堂下春風和

海棠正紅開未多一枝可意絢晴日不有修竹森駢羅連牆一邱邱下河我來看花花婆娑花枝刺眼樹短短萱草夾道青成窠世間可羨皆官舍不有佳處知奈何此堂閱人知幾輩惟有此人超物外張君豪氣儕輩無少年捷際功名會平生活計翰墨場富貴鼎來果未央版輿迎得親在堂有婦代饌供蒸嘗笑談四境無盜賊吏人却退居燕息文章用力到此窟如此作尉尉亦得

一經堂

元朱圭建

海寧縣志

貢師泰一經堂記一經堂者海昌朱肅齋氏名之以訓其子

叅政周公伯溫所書也肅齋之子鏊從余遊請余爲記余謂六經盡載聖人之道何獨取一經豈不以漢章賢有一經教子之說耶不然將先明一經而他經從可明也夫經之目有六爲說不同而道則未嘗不貫于一三五以降歷世益遠然其垂訓立教不過數十言而止至我夫子贊序刪正更加述作可謂極盛實亦不過數百卷而止耳以數

百卷之書明數十言之旨簡易精潔如天地運行如日月
照臨其道未嘗不廓然而公燦然而明也及秦漢諸儒各
出已見務爲專門議論詆訾于是簡冊之多棟充牛汗既
已湮塞聖道分裂經旨不可究極近世海內之士疲精竭
力靡然向風恣爲新奇之言巧飾頗僻之見嗚呼大道之
晦一至于此向非周程張邵朱呂數君子者出孰能發微
言于既昧之中尋墜緒于不傳之後乎今之學士大夫執
其全書因以潛窺默識旁通四覽則亦幸矣然有讀書萬
卷而實無一言之得者有採一言之要而終身守之不失
者其故何也道之明與不明而已筌也文公諸孫其庶幾
有得于此與不然雖曰
誦六經無益况一經哉

東野草堂

在一經堂側爲貢尚書寓

嘉靖海寧縣志
貢師秦東野草堂

詩幽人海昌住草屋向村墟擊竹頻呼鶴分泉浸種魚
梨花春巷冷榆葉夜隄虛細雨篝燈火匡牀正讀書

溪雲草堂

貝清江文集

貝瓊溪雲草堂記溪雲草堂者

則崇德之水而介乎二境之間其旁疏又折而南迤行六
七里上有桑稻之村居民星散雞犬相聞彷彿絕徑之在

物外者子方擇其勝處構堂若干楹左爲讀書之室右爲煉藥之房遂題之今名云余嘗放舟過之道狹而迂僅一帶耳魚鼈之所居科斗之所儲疑其不能爲雲類山川之神靈者方時之將雨勃然上蒸如烟如霧如海濤被覆兩厓不見林木而漁蓬野艇或隱或見于空濛中此其第一曲也及沿流以窮其所至則雲之見于朝暮者尤翳鬱非一狀執之而不可玩之而不得排于前而後復合斷于上而下復繼凡幽人處士之廬藩籬皆雲也窗戶皆雲也雖出于山騰于川者殆無以過是休坐之頃引爲賓客而塵埃野馬弗至吾前矣並溪之人未有知者子方乃專而有之喜余之至因籬于堂上求文爲記遂書其所見如此

選德齋 在海寧縣西廳之後今廢

萬歷舊志

慈齋 原博查公榜其燕居所曰慈齋蓋以自做也許黃

門相卿爲之賦舊海寧縣志許相卿賦畧猗歟慈兮德

之載兮敬惟與兮轍則義兮於不已兮由

聖軌

瑞隱亭

在今海寧州

方元英詩集

方干鹽官王長官

周道秀絕自清機孤雲戀一石尋常住落絮縈風特地飛雛鳥啼花催釀酒驚魚濺水誤沾衣明年秩滿難將去何似

先教盡

取歸

錦香亭

在海寧縣署

成化舊志

仰高亭

在縣治西廳宋建元時遷于正堂之後花木森

然爲遊息之所

嘉靖海寧縣志

泗水亭

在海寧縣洛塘唐許遠讀書處

大清一統志

望吳亭

在硤石湖北相傳越屯兵于此以望吳兵水口

有望吳壩

硤川志

白鶴亭

在紫微洞左馬自然羽化後有白鶴飛還洞口

好事者立亭表之舊海寧縣志許相卿白鶴亭詩紅塵

虛遼海信不知
何處問長生

紫微深隱亭 在西山百步石右硤川志

漱玉亭 在紫微泉上宋淳熙中令鍾必萬建海寧縣志

水月亭 在湖南宋時設砦處硤川志

挺立軒 在海寧縣丞廳後萬歷舊志

問牛軒 在悟空塔前舊海寧縣志張昱問牛軒詩岸

資福無漏添注脚石霜何事未忘言大千無迹身俱化
一點透明角尚存拈起家風隨處應莫言無可付兒孫

舊時月色軒 宋裔趙公範軒其故居于鹽官城東扁曰

舊時月色始豐類彙

環綠軒 在長安鎮環水宋濂爲鎮人游氏賦云水竹佳

致詩書雅懷樂只君子悠哉悠哉

嘉靖海寧縣志

棟花軒 去海寧縣五十里環溪多棟因以名溪宋安化

王裔構數椽溪上青田劉基署曰棟花軒

嘉靖浙江通志

望峽軒 明俞氏兄弟建

舊海寧縣志

雙檜軒 在悟空塔前蘇文忠公有雙檜詩

浙江通志

聽潮軒 海鹽張給事有詩不詳其處

舊海寧縣志

清遠樓 在海寧城宋安化郡王王沆建

舊志張九成清遠樓詩高樓

翼結五雲端雄鎮東南百二關花影半窗新月霽松聲四壁晚風寒湖山縹渺吟哦裏魚鳥浮沉指顧間今日偶登

成宴樂酒杯棊局共盤桓

百尺樓 在海寧縣西百尺浦昔越王造此樓以望海名勝

志

西翠樓 海昌郭墳葺居第之西偏小樓顏曰西翠

海寧縣志

貝瓊西翠樓記海昌郭子振氏葺居第之西偏小樓一所額之西翠一時魁人碩士賦咏者多矣余觀岸海之山自鳳凰百丈而下皆卑不可見距邑西百里爲吳興其七十二弁連延若海濤起伏湖上者舉在欄楯之外此闕于東而拱于西也當夫積陰新霽海日東出于是挹爽氣于拄頰之頃天空無雲倦翼盡歸于是賓素月于樽俎之間其寄興之高爲何如哉視彼屑屑焉溺于聲色狗馬珠玉錦繡者抑已陋矣

遐觀樓 在惠力寺山門外

浙江通志

看山樓 在黃灣馬氏建

舊海寧縣志

海山一覽樓 在審山觀海峯絕頂

硤川志

山間明月樓 在審山岳廟後卽五岳樓

硤川志

丹井樓 在審山

嘉靖海寧縣志

天開圖畫樓 在西山廣福院東宋天禧間建元趙孟頫

書額

硤川志 貝瓊天開圖畫樓詩清明無雨試登山丹井西頭一扣關石戴樓臺飛鳥外天開圖畫白雲間

安婆子落陰初合躡躡花繁色尚殷且喜遠公能入社許余醅酒駐醜顏

讀書臺 張九成讀書臺在海寧縣東菩提山下

大清一統

志

蘇平讀書臺詩昔人曾此築高臺雲裏軒窗向日開卷幔靈泉浮戶爽鈎簾晴嶂送青來登庸已見題羣

策忠諫尤欽濟世才千寶宅基鄰咫尺共憐遺迹蔽蒿萊

仙臺 在海寧縣西山紫微洞上馬自然登眺處

硤川志

般若臺 在鹽官縣真如禪院張無垢九成同宰刁文叔

來遊遂以名臺

咸淳志

張謩題殿若臺詩旗鼓初從海上回天風吹我上雄臺甲披雙木闕西將

馬驟羣峯冀北材塵世俯窺飛鳥去軍聲俄逐晚潮來誰能爲我書巖石他日重遊掃綠苔

千寶故宅

在菩提山麓真如寺卽其故址

咸化志

趙忭宅

忭于建隆時有翼戴功因賜第名趙家滙

硤川志

郭知運故宅

知運仕至荆門守倦求致仕卜居雙廟之

西

咸淳志

知運題雙廟詩平生慕節義卜居祠非遙足證海

寧縣志

楊九鼎宅

宋南渡楊由義子九鼎選爲駙馬都尉賜第

楊園里人稱駙馬基

硤川志

榮肇宅

元祭酒榮肇故居在硤石鎮宋濂有贊

硤川志

小桃源 在海寧縣東北五十里元貢尚書師秦曾避兵

其地故名

萬歷舊志 徐一夔小桃源記 畧海昌縣治之東曰湖塘後 負硤石前倚黃岡朱氏世居焉朱

氏肅齋父者教慎尚禮子鏗從宣城貢公泰甫遊至正末貢公以戶部尚書督漕閩中托家朱氏而行三年抵其家無恙喜曰爾所居非桃源耶使吾妻子即安若是公詩有山中甲子自春秋不放桃花過石頭之句因名其地曰小桃源云

九杞山房 海寧許黃門相卿讀書之所在九杞山陽陳

編修沂爲作九杞山房圖

許黃門年譜

石颺別業

明顧訓導辰建在石墩

舊海寧縣志 顧辰自題別業詩 買斷西

鄰水一灣開門正對馬鞍山半茅半瓦屋不漏一啄一觔心自閒牧笛雨中春鳥散釣絲風裏暮湖還更無豚犬平生累肯信桃源隔世間

半閒雲 海昌廣福寺之達上人鑿崖構屋高出飛鳥顏

之曰半閒雲徵余爲記

貝集

鶴所 許相卿昇子樂仲畜鶴處

舊海寧縣志

許相卿

或龍一鶴贈余余昇樂仲畜之所居之偏題其處曰鶴所
曰先生可遂記之乎曰吾記所嘗得于過庭者也往先給
事督于學必以正凡世之可爲學者一切止之不予近
也子學成遊京師歸先君老矣無以爲娛間以鶴進不予
止也余妄意爲教之術昔之止予者皆生人所必用者也
人以必用而求必得之將必遺患矣今之許予者無所于
用者也無所于用則無所于溺小不廢時大不失事鴈詠
相對飄飄動遺物遠遊之懷不將賢于乾沒外誘老死而
不知休者哉今吾樂仲子學則已輟矣病鄉無以自娛而
于鶴寓情焉蓋先君昔之不予止而今不以止樂仲也若
固溺焉則書籍可以喪志况夫鶴哉是因先給事之教之所不許也

安國寺雙檜 鹽官縣安國寺雙檜唐宣宗時悟空禪師

手植在寺三百餘年矣其大者蜿蜒盤礴如龍鳳飛舞之狀小者與常檜不甚異宣和乙巳春朱勔遣使臣李燭取以供進大者載由海道遇風濤舟檜皆碎小者只自漕路入既獻上轉蠲官知縣鮑慎好賜緋泊宅編蘇軾北寺塔前古檜詩當年雙檜是雙童相對無言老更恭庭雪到腰埋不死如今化作兩蒼龍

惠力寺壁 在寺正殿高三丈濶四丈厚尺五砌法迴紋如織相傳構殿之始有巧者操塹受工羣工從之巧同一手巧者工竣去羣工欲更爲之則茫然失其就理千年以來殿已數建此壁巖然不動故殿雖當極弊終無崩落者

人以爲公輸蹟云

舊海寧縣志

富陽縣

富陽故城 在榮國寺西北隅卽永寧寺城也周十二里

高二丈一尺闊二丈有屋七百一十九間樓十二間五代

時城在縣東南錢氏以地偏江乃壘磚礫爲之以存舊邑

咸淳志

唐咸通十年縣令趙訥築去今城二百七十步

名勝志

元至正十六年楊完者重築

舊縣志

東安郡故城 在富陽縣北十八里吳黃武三年分置東

安郡治富春七年廢此其故址也

大清一統志

城周七百六

十步今廢舊志云郡守全琮築

咸淳志

永寧寺城 城周十二里五代時在縣東南錢氏移此

咸淳志

志 在今榮國寺西北隅

宣德富陽縣志

湖汛城 富陽湖汛山有石城侯景之亂里人陸姓者率

鄉鄰保固之全活萬計

咸淳志

富陽縣舊治 在城東北古城內唐咸通十年與城並建

宣德富陽縣志

赤亭里 在富陽縣嚴陵釣于此有臺基存

太平寰宇記

桑亭埭 在富陽縣漢末有桑君養犬數年不吠孫文臺

微時經此犬忽吠之桑謂文臺曰君具異相乎及貴欲報

桑無所好惟好張筍捕魚文臺爲作九里筍以貺之

郡國志

湖戶 富陽縣有湖戶地近海其民朔望迎潮而歌

太平寰宇

記

幸笑館

在縣西門內

宣德富陽縣志

東阿山館

在城東

舊志

小隱書堂

謝絳遷居富陽小隱山子景初景溫築書室

于山之半

咸淳志問我小隱居小隱

豈有異築室數畝餘巖壑不

峻崕田園非美腴所欲近邱墓歲時來掃除先人夢讓史
尊道本聖徒絕筆于此詩子孫無忽諸刻石置中堂且使
過者趨題勝爲服訓義取銘盤盂後嶺雙松亭徑街何遼
迂下臨富春渚萬象生有無東偏作草舍可以施琴壺門
前碧塘水萬本栽荷葉風來觸香氣長著人衣裾澄水泱
泱流黍稻可勿枯柔桑及美果種廣莫記株澗草不識名
野禽多異呼坐此易歲晏自與人世疎在昔東陵侯瓜瓞
猶親鋤楊惲謝九列種豆南山隅余嘗有此志來者安敢
誣誅茅寔張本解組當後圃是時考槃賦從我者誰與近
來傳越石趣尚若不殊倘聞邱樊往不願升牛儲如君美

才具日月升雲衢安放預招挽組自陳其愚 范仲淹題
小隱書堂詩山徑小桃深紅光隱翠陰是非不到耳名利
本無心筍迸饒富戶雲歸半在
林何須聽絲竹山水有清音

進月堂 富陽縣洪氏洛室院有進月堂

咸淳志 楊簡題進月堂詩我

有一輪月不圓又不缺更無晝與夜光耀常昭徹縱
有葦屋遮亦莫之間絕將此以爲燭難作進退說

雙梅草堂 在靈巖山東南堂側兩古梅離竒天矯皆數

百年物有泉清甘邑文學王學粹別業

富陽縣志 陳天麟題雙梅草堂詩

一識園林勝知君有遠心看雲延野色臥日只空林
山水間中領詩書靜處深秋光度林際留得半庭陰

讀書齋 宋李彌高令富春時常建堂于廳事後扁其東

曰不欺室西曰讀書齋然世遠而人莫知其名矣堂承乏

于茲因攷舊志惟恐湮沒無聞爰葺堂宇仍揭其扁于東

西并系銘以自警云

吳堂東西二銘序不學而仕固無其方仕而不學舊業

吳堂讀書齋銘

日荒矧是外物易溺難防苟或怠惰得之亦忘退食自公靜一南莊志以帥氣勤勵自強蒐閱經史舍英咀芳仰彼先覺德音孔良庶幾夙夜闐然日章

默齋

在富陽縣華蓋山院

咸浮志萬當不如一十發却休九

徐自明默齋詩

乃知多口累寧謹三緘口寂中游雷震悟處獅子吼百物自四時六藝通九有松風靜庭曲山花相與友心遠境更幽光生室無垢茶鼎蒼蠅鳴香几黃金紐澄神天籟息見性藩籬剖對語彼上人一笑開戶牖自愧逐喧塵成佛靈

雙清亭

在縣廳事後多植梅花宋嘉定中縣令程秘增

植以竹建仰節亭明正統三年知縣吳堂卽故址重建易

名雙清

舊富陽縣志有紫笑亭嘉定間

程秘仰節亭銘并序富陽縣後堂

銘曰梅有清節竹有勁節是仰是則庶幾萬一

近天亭 在富陽縣權縣趙師耀建叅政樓鑰書

咸淳志

青山偉觀亭 望仙亭址在富陽縣西南二百步後更名

青山偉觀

咸淳志

傳心亭 在富陽縣觀山宋紹興中楊簡館陸九淵于此

師事之因名後改爲祠

大清一統志

折柳亭 在富陽縣西觀山今廢

咸淳志

客使多祖餞于此

因名

富陽縣志

耕春亭 觀山巖君祠下有三亭曰耕春日逸雲曰虛全

咸化明正統中知縣吳堂重建耕春亭并刻嚴先生像于

石

富陽縣志

雙松亭

謝夏公建亭小隱山陽今故基雙松尚存

咸淳志

謝絳雙松亭詩築居喜物外披徑窮本末層阜繞襟帶澄江見毫髮芬芬山蜜熟泱泱春泉活林梢閃嶺隕石鏢怒銜月坐長百慮寂望遠孤興發何必較萬殊吾自師吾達

孫亭

在縣南十八里亭山因晉處士孫晷得名

宣德富陽縣志

虛舟亭

在縣東南三十里法相寺

舊富陽縣志

葉士彥虛舟亭詩道人亭

子號虛舟身與乾坤日夜浮高檻倚空山蒼浪小池承溜雨生漚漁歌響答穿蓬戶晚飯經行憶舵樓茶竈筆床安榻畔江湖長任散人留

迎秀亭

前臨大江對峙西南諸峯尤據邑治之勝宋令

趙汝奎建此亭迎挹秀氣

宣德富陽縣志

擷月軒 在富陽縣後堂東

萬歷舊志

可賦軒 在富陽縣西南儀鳳村寶林院

咸淳志 范成大題可賦軒詩

十里山行雜市聲道傍無處濯塵纓
寶林寺裏逢修竹方有詩情約畧生

竹軒 富陽縣西淨土院有竹軒遊者多留題

咸淳志 楊簡和觀

少卿題竹軒詩此意分明有底深蒲團斜倚滿鋪陰豈吝
俗子閒擡眼只許清風得入林我對此君無一事自言幽
處直千金古人今已成
陳迹猶向當年擊處尋

南樓 在富陽縣

唐張南史詩 張南史富陽南樓望浙
江風起詩南樓渚風起樹杪見滄波稿

覺征帆上蕭蕭暮雨多沙洲殊未極雲
水更相和欲問任公子垂綸意若何

清涵萬象閣 先君出宰富春重建會江驛驛後爲大閣

扁曰清涵萬象 癸辛雜志 徐清叟題會江驛閣詩高閣
盈千尺征人借一樓水連天上下山會浙

東西炊甌菜枯虹浮雲出處
齊感時心欲醉風雨更凄迷

說約臺 在觀山嚴子陵祠前以石構之明萬歷中知縣

任才卿建以講學

富陽縣志

孫鍾故宅 富陽縣南十五里陽平山相傳孫鍾舊居鍾

堅之父也

讀史方輿記要

許或故宅 富陽桐江之水東注桐洲通孝子許或故廬

咸淳志

申屠氏故宅 富陽縣申屠山昔申屠蟠晦黨錮之名避

地結廬于今千載子孫家焉

名勝志

咸淳志富陽屠山相傳

有姓申屠者結廬以居乃以名其山復志其里攷後漢書

蟠傳只言絕蹟梁碣之間未嘗至富陽名勝志蓋附會也

浙江通志

不欺室 在富陽縣治廳事後宋令李彌高建明吳堂重

葺詳見讀書齋

吳堂不欺室銘心之爲物出人無時閑邪室欲戰兢自持能慎所獨乃絕他岐故誠

其意先于勿欺民既我復胡不可爲一念之萌鬼神臨之勿以暮夜人先我知勿謂冥冥昭昭在茲相在爾室斯言

師可

明月巢 富陽大智院西有樓三間巍然插空氣象甚勝

韓彥古名之曰明月巢

咸淳志

丹鼎 富陽妙庭觀董變成故宅發地得丹鼎覆以銅盤承以瑠璃盆盆既破碎丹亦爲人爭奪持去今獨盤鼎在

耳

東坡居士集 蘇軾詩二首人去山空鶴不歸丹亡鼎
在世徒悲可憐九轉功成後却把飛昇乞肉芝瑤璃擊

碎走金丹無復神光發舊壘時有

世人來謁無欲隨雞犬事劉安

古銅牌銅盆 紹興初富陽妙庭觀道士董行先掘土得

銅牌長寸半有字二十字畫精楷其陰有王母乘鳳雲中

像又淳熙丙申修殿方丈後取土得銅盆三足兩耳側有

小竅二腹皆赭壘不類今模製

咸淳志